

[道光]两当县新志十二卷

首一卷

(清)德俊修 韩塘纂

清道光二十年(1840)刻本

四册

记事止:一八三八年

原件收藏

湖北省图书馆

原件书号

地 1008

原件状况

原件完好

本部书共摄制

1 卷

首一卷、卷 1-卷 12

版权所有 不准复印

兩當縣新志

重修兩當縣志序

考天下郡縣莫不有志



圖大拉所載不外乎山川風
土人物災祥者兩當雖僻壤
偏隅山川風土出其中人物災
祥出其中皆不可以不志者誠

以正人心厚風俗有闕名義非
涉鮮也在晉康熙二十六年
武公國棟曾剞鈔本數頁未
經發刻迨至乾隆丁亥秦公
武城搜羅而編輯之較前頗
加增焉迄今又七十餘年矣

其間山川於是而風土人物安祥
必有典時遙矣日趨於新者
不陸賒補纂是亦守斯土者
之過也前任莫公榮新與少
尉李君維壩披閱之下亟
續修適以遷調玉門有志未

遠而托以事於予。戊戌冬仲蒞任。因初蒞政。不遑採輯。已亥龜田野少。亟公解訟簡。而李君復請曰。歛修和。景此其時矣。予遂首省。邀集邑中。端方紳士。俾舉七十年來。

風土人物。災祥。凡就所見所聞。據實錄。呈并。新廣。證博。訪以。求目所未見。耳所未聞者。是於數十年之事蹟。雖不能。揆捨無遺。亦庶幾得。以八九。焉。集成付梓。分為四卷。以。

備於軒之採擇下以待宰職
 之授尋其於服官之臨政化民
 成德之方當亦不無小補之尔
 道光廿年歲次庚子清
 月望之後二日兩當知
 德俊



原序

志猶史也國有史則一代之典章文物彪炳
 有志則一邑之風土人文流傳千古志綦重哉屬在
 風塵吏率勤斯役今天下郡縣志林立矣而山左阮
 亭先生獨有取於武功靈壽二志豈不以二書體例
 精嚴用昭法戒正人心而厚風俗端有藉焉蓋良史
 之亞也今不可復覩矣即其辭能雅馴簡潔而事覈
 真堪輝映一時軒翥後世亦非擴摭沿襲語多不經
 者比也兩當蕞爾邑得名最古昔讀工部詩有兩當



縣吳十侍御江上宅一篇意其地名流托跡景物特勝丙戌秋來攝是邦詢載籍稱缺焉余心志之未遑也今年長夏政頗清因按羅而綴輯之寥寥數幅畧資考索亦聊以塞風塵吏之責與至於人傑地靈名流蔚起絺繪山川平章人物當有康武功陸靈壽其人者是編僅成駢拇余茲愧矣昔乾隆強梧大淵獻歲夷則月冀生七日曲沃秦武域紫峰甫書



原跋

燕文忠公曰爲官而治中有名山勝水奇花異草不爲表揚事雖無關得失然亦有司者之陋也旨哉言乎其期有司者厚矣况於邑之興廢沿革政事人物詎可任其泯沒無聞邪歲丙戌公來治兩當甫接見卽以振興文教爲事爰頒韻格示墨式復爲經營廟學獎勵月課匡我不逮加惠實多乃者簿書稍暇獨捺班管齋心編次鏤邑乘以垂不朽將使凋殘僻陋之區漸識文物卽山川草木大爲吐氣以視文忠之

言庶無愧色也乎其他濬渠設館已著成效從此善政畢舉樂只興謠知異時事業彪炳卽基於此公其懋哉丁亥重陽前三日桓州高仲書後

原跋

志一邑之書也而郡志省志取材於是卽一統志亦資採擇焉所係重矣昔人稱史貴三長才學識缺一不可志豈無才無學無識者所可語耶焯自備員廣鄉獲預修秦州志於縣事嘗掇拾之而力未能成帙丙戌秋我侯山右秦紫峰先生來攝篆詢及縣志見抄本數頁荒畧特甚亟欲新之謀於焯焯因錄所知以呈侯復廣爲諮詢詳爲訂正缺者補之舛者易之於丁亥秋告成付諸梓焯披閱之餘始信侯之三長

兼備也不寧惟是侯之來五日京兆耳而修學宮武廟開永利渠建寅賓館凡諸有利興之有弊革之日無寧暑而又使山僻小邑有籍可稽侯之嘉惠於此邦者不為少矣焯目擊之烏能已於言耶丁亥仲秋錢塘屠文焯謹識



修志姓氏

纂修

直隸秦州兩當縣知縣德俊

編次

直隸秦州兩當縣貢生韓塘

補輯

特調直隸安西州玉門縣前任兩當縣知縣莫榮新

參訂

直隸秦州兩當縣典史李維墉

協贊

直隸秦州兩當縣訓導李偉觀

稽訪

貢 貢 生王齊家

貢 貢 生張 垌

分閱校刊

增 廣 生史法祖

官 學 生恒 頤

國 學 生張 位

兩當縣新志目錄

卷之首

諸圖

卷之一

沿革 疆域道里城鎮形勝附

卷之二

山川 景物古跡陵墓附

卷之三

建置 寺觀附

卷之四

食貨 物產附

卷之五

武備 歷代兵事附

卷之六

風俗 災祥附

卷之七

官師

卷之八

名宦 流寓附

卷之九

選舉 學校附前 武舉附後

卷之十

人物 列女附

卷之十一

藝文 記序引賦文

卷之十二

藝文 詩


卷之...


地

輿



圖

縣境全圖






文廟圖



武廟圖




文昌宮


東

北

南



城隍廟圖



北

寢宮

大殿

送子殿

鼓樓

鐘樓

西



東



南

城隍廟圖



圖


七






書院





東

南



常平倉

北

西

兩當縣新志卷之一

沿革

城鎮里堡疆域道里形勝附

志書之作也陸續補修則重複牴牾或所未免後來疑誤彌復不少今竊比對山武功之例考歷代立郡立驛立縣之由既才謝博達學慙綜核然斟酌損益沿所當沿革所當革不敢過於張皇庶易傳於流覽故志沿革第一而地之分鎮民之分里以及疆域道里形勢之槩卽因以類附焉

兩當縣

禹貢雍梁之交周合梁於雍州地春秋戰國羌戎所居秦爲隴西郡地漢故道縣王莽改曰善治屬武都郡東漢因之三國爲漢魏之界晉郡縣皆如漢永嘉後陷氏羌元魏有固道郡領梁泉縣與廣化同屬南岐州又立兩當縣兩當郡周廢固道郡隋初廢兩當郡縣如故屬河池郡唐梁泉兩當皆屬山南西道鳳州河池郡武德元年析梁泉置黃花縣寶歷元年省宋乾德元年降鳳州河池郡防禦爲團練仍有梁泉兩當二縣至道元年移兩當治廣鄉鎮縣故有錢治

開寶二年升爲開寶監治治平元年罷置官以監隸兩當元豐六年廢元以鳳州治梁泉別置南鳳州治於河池尋改爲徽州領兩當縣而總屬鞏昌元帥府明洪武十年省入徽縣時徽州降爲縣後復爲州復置縣領於徽州而屬於鞏昌府

國朝因之雍正七年升秦州爲直隸州兩當縣而屬於秦州焉分地三大鎮東十五里靈官店三十里楊家店一百二十里太渠鎮餘村落不具載分民二里曰豐義曰重石疆域東至單河鋪陝西漢中府鳳縣

界四十里西至簸箕灣徽縣界二十里南至常家河漢中府沔縣界二百二十里北至毛家庄秦州界九十里東南至藍家關鳳縣界四十里西南至火岩坡徽縣界五十里東北至唐藏鳳縣界一百三十里西北至駙馬廟徽縣界三十里延袤約三百里有奇西北至蘭州府省城一千一百里東北至京師三千三百六十里西北至州三百九十里

形勝

萬壑分流羣山錯峙左倚鳳原之險右挹徽山之雄

秦嶺橫前陵江帶後蓋隴秦之捍蔽巴蜀之襟喉也

華里

志

兩當縣新志卷之二

山川 古蹟園墓景物附

兩當山川之附於秦州志者止十之二三視舊鞏昌志中所載已缺其半甚矣荒畧可歎嗟也今據秦紫峯所補詢及人士証以見聞廣爲採輯而佳山佳水之在境內者庶不至泯沒無傳也志山川第二而古蹟陵墓以及景物可標置者類附焉

祖師山東門外里許上有達摩菴又名元武臺

分水嶺東十里一嶺而東西兩溝

鸞鷲山東十五里兩峯聳秀一名南岐一名來儀世傳鳴岐之鳳出於此故西岐曰鳳翔南岐曰鳳縣俗名鳳凰山

團巒山東十五里

尖山東十五里峯銳如削

石鏡山東二十里日出光彩照人峯透大孔望之空明若鏡

真人峪東二十五里相傳有董真人得道於此紅崖東三十里崖色純赤下有寺

堡子山東三十五里高踞如屏昔人避兵於此遂成

村落

大夫山東南二里唐末郡守滿存卜居於此故名

四郎岩東南十五里

故道山東南二十里路通漢中漢高祖襲章邯出故道卽此下有故道川由鳳流入卽兩當水南入嘉陵江

馬鞍山東南四十里連接小陽山

銀甕峽東南四十里唐杜甫詩復道諸山得銀甕卽

此

紅雞山東南五十里日出霞彩遙披故名上有真武殿

石龍峽南二里兩山對峙亭午見日故道水屈曲流中崖半有石昂出狀如龍頭一名夾龍江

金洞山南十里相傳下有金洞

天門山南六十里懸崖有石如門宛具開闔

顯龍山南六十里上有龍神廟廟後有井又有回龍洞

琵琶崖南六十里崖間懸石如琵琶形

大陽山南一百里

秦岡山西南六十里水經注故道水入秦岡山山南入雲懸崖列壁上有神像世名曰聖女神

白崖西南七十里層崖如雪

鄒家山西二十里

鶴鶉嶺西北三里下卽窰溝

華林山西北十里

西天池山西北五十里有泉禱雨輒應

鎮北崖北十五里石柱突立高可百仞上有真武廟
雲梯連綴引索始上

東天池山東北五十里亦有泉可禱雨

青扛峽東北六十里

申家山東北九十里昔有銀礦舊有防守今廢

廟兒嶺東北一百里竹樹森陰行者數里不見日

廣鄉水東門外源出利橋山南流至廣鄉川

品字泉東里許祖師山下三泉相承如一品字

登真洞東十五里鸞鷲山下唐張果老修真處洞高

一丈深百尺有水自頂注於石池俗名石鼓洞

無塵溪東十五里源出尖山東流經登真洞入於紅

崖河宋劉景文詩遊人看取溪中水只此無塵見

道心卽此

紅崖河東三十里源出秦州界南流入嘉陵江

魚洞東四十里馮家寨每歲暮春有魚自洞中湧出

不知從來與丙穴之嘉魚同

乳洞東一百里二郎壩峽深可二里洞中懸石如乳

盡處有龍潭深不可測禱雨者持炬以入

重石河東南六十里源出鳳縣廢邱關流至縣入嘉陵江

磬水南七里亦入嘉陵江

靈應泉南七里泉出山坳石眼中旱澇祈禱輒應俗名旱澇泉宋邑令夏世昌建有碑記其碑光瑩照物右有玉皇殿

嘉陵江南三十里自鳳縣流入又西南入嶽縣境或謂卽兩當水郡邑志大散嘉陵地勢險隘相當因名

琵琶洲南三十里嘉陵江中其地洲渚紆回人迹罕到亦名枉渚杜甫詩鷓鴣號枉渚日色傍阡陌卽此

黃巖洞南七十里內有靈湫祈雨輒應明末邑令徐文獻與徽州刺史盛廣偕隱於此題洞門曰是卽桃源故處不讓首陽山巔

河池溝水西門外東流入廣鄉川

尚婆水在縣西本名石盤水俗語音訛爲尚婆川北出利橋山南經尚婆川又西南至秦岡山入故道

水尚婆川中有鳥羣飛二月從北向南八月從南向北音如簫管俗云伎兒鳥春來則種麥秋來則種麥人常以爲農候

永利渠北一里乾隆三十二年知縣秦武域因窰溝水發民多被患遂相地捐修成渠立有碑記

香泉北二里東流入廣鄉川

龍潭北五十里卽廣鄉川上流潭蓄半畝相傳下有龍蟠土人置藥捕魚風雨立至

斜陽河東北六十里由青扛峽西流入紅崖河

古蹟

兩當故城東三十里本漢故道縣地以兩當水爲名後魏置縣隋志河池郡領兩當縣後魏兼兩當郡開皇初郡廢宋移治廣鄉鎮卽今治故縣廢

仙老遺跡詳注山水登真洞

開寶廢監東南四十里宋建隆三年置銀冶開寶五年升爲監治平元年罷監官以監隸兩當縣元豐六年廢

吳侍御宅在縣南嘉陵江上杜工部有詩

梁泉縣故址南一百里城郭廟署基址尚存有泉南流入沔縣土人呼爲黑水縣秦武域按歷考諸史雍州無黑水縣名疑卽梁泉也今則古木参天密箐匝地傳有山魃迷人人不敢入

尚婆城在縣西水經注尚婆水歷兩當縣尚婆城南魏故道郡治

黃花縣故址唐武德元年析梁泉置黃花縣而薛逢有題黃花驛詩宋趙抃自成都還宿廣鄉驛有詩云被名趨都景物疎兩當中夜宿中途註引圖經

云東都西蜀至此道理均焉驛在縣中是移治兩當於廣鄉鎮驛仍其舊名耳廣輿記兩當有黃花驛而正德十三年知縣高騰建學宮於黃花驛址見於公祠堂記是明之黃花驛卽宋之廣鄉驛猶循唐之故名也當時之驛皆在縣中卽今之兩當縣卽宋之廣鄉鎮而唐之黃花縣不辯可知秦武域識

山城堡城西山上知縣高騰以西城薄山築山城堡以捍之明末知縣徐文獻率士民居於城西山頂

卽此

陵墓

唐吳侍御墓在縣南

孝子墓其姓名舊不傳

銀頭將軍墓在縣北五十里亦不知何代何人相傳

有一武將戰死於此而喪其元人憐其忠以銀爲

之首而葬之

明給事馮均臣墓

羅御史墓在城南山上

定西侯唐通墓在三渡水

兩當縣新志卷之三

建置 寺觀附

夫有一縣必有一縣之建置然使紛然錯陳則又漫無倫序茲首城池所以爲縣治也次知縣官署捕廳官署從焉倉庫之屬從焉次儒學官署書院社學之屬從焉次武官署演武場從焉次則鋪遞橋梁之屬又次乃及各壇廟先成民而後致力於神也至於庵觀寺院並非典祀皆志所不遺也故志建置第三而遞舉之

兩當縣

兩當縣城前代無考明洪武初始置縣築土城周一里高一丈止東西二門宣德中知縣史忠重修成化中知縣韓時重修始開南北門正德十一年知縣高騰增修高厚深廣加十之五又以西城薄山築山城墩堡以捍之今城圯址存嘉靖十三年知縣孫逢吉重修城上覆以屋三百餘間旋亦敝廢至隆慶初傾圯殆盡知縣張效良復修改建門樓創築月城周三里高二丈池深丈五尺崇禎七年流寇攻陷蕩爲荒

墟知縣徐文獻率士民於城西山頂築數椽以居城內止有文廟關帝廟城隍廟亦凋殘不堪

國朝康熙初年知縣張鳳翥始率士民遷入舊城整理文廟關帝廟復創衙門士民復立房舍而城垣尚未大修乾隆三十四年知縣宋瓚請帑監修完固縣署在東街明洪武七年主簿廖森創建今治宣德三年知縣史忠增修弘治十年知縣張仁建譙樓於大門正德十年知縣高騰改修正堂嘉靖二十五年知縣晏卿別構益加高廣東爲主簿署儀門外東爲

土地祠西爲獄大門外有旌善申明亭隆慶元年知縣張效良重修崇禎間盡爲流寇焚毀知縣徐文獻移駐城西山堡

國朝康熙初知縣張鳳翥遷入舊城重建堂舍二十九年知縣邢吉士重修乾隆四十九年知縣張乾珩重修正堂堂前爲捲棚棚前爲露臺臺前旌善申明亭右爲六房吏廨外爲儀門左右有角門其外東爲土地祠祠東爲倉院有版神廟知縣秦武域建西爲倉院西南爲寅賓館題額皆山堂知縣秦武域建又外

爲大門堂後有二堂左右爲幕齋再後爲內宅堂東爲典史署門東爲獄嘉慶二年知縣孫鉞復修庫在堂東驛廡在署右典史署在縣署東門向西明洪武七年主簿廖森建

國朝康熙間典史孫慎行修雍正二年典史楊鐸重修乾隆二十八年典史屠文焯新建二堂三堂四十七年典史勞宗齡建土神祠於堂東嘉慶二十四年典史馮興倣重修道光四年典史魯士堯補修十五年典史李維墉補修

儒學署舊在縣東明洪武七年主簿廖森訓導蔣慶同建正德十年知縣高騰移建縣署西上爲明倫堂後有尊經閣堂西爲講堂前有儀門有大門

國朝順治八年教諭李冲星重修康熙四十四年知縣江中楫重修乾隆二十八年訓導高仲重修嘉慶十七年訓導李佩玉重修

常平倉大堂東西各三間知縣武國棟孫芳建今爲吏舍儀門外東西二座乾隆十九年知縣三格建十間二十八年署知縣冷文煒增建二十間三十一年

知縣秦武域增建三十間道光五年知縣劉詩建富民樓於東倉厥神廟右 稅課局無

驛廐在縣署內馬四匹馬夫二名主遞送文報內建馬王廟舖舍在縣治東

社學在北街口有丹山書院坊嘉慶十六年知縣周邦倚建講堂三楹左右齋房各四間二門三間大門向南改名廣香書院紅崖寺社學一魚池寺社學一外委署在西街大門三間東爲書房西爲武庫二堂三間左右有廂堂後馬王廟 演武場在東門外無

廳山水冲刷場基今改向北門外 東關墩東十里

墩在分水嶺上東二十里平安墩西二十里簸箕灣

墩北二十五里栗子坪墩北九十里范家臺墩

養濟院在西門今廢

漏澤園在城北三里

城隍廟在縣署西嘉慶十二年重修

先農壇在東郭

風雲雷雨山川壇在南郊

社稷壇 厲壇俱在北郊

八蜡廟在西門外乾隆二十八年署知縣冷文煒建

於中又建官廳三間道光十六年署知縣李懷庚重

修

文廟在西街南向上為大成殿左為崇聖宮臺下東

西兩廡各五間前為戟門門外左名宦祠右鄉賢祠

中為泮池前為櫺星門外東西二門相對為德配天

地道貫古今坊左為節烈祠創建朝代無考明崇禎

七年遭寇盡圮

國朝歷任知縣郎熙化趙志忭蔣大震孫兆禎張鳳翥

江中楫三格教諭李冲星王恂相繼修建乾隆二十四年知縣本著修崇聖宮二十七年訓導高仲及紳士捐貲共修大成殿月臺及兩廡三十二年知縣秦武域修戟門及櫺星門照壁稱繕完備焉

關帝廟在西街外委署西嘉慶二十一年重修獻殿左爲龍神祠右爲火神祠道光十八年紳民重修文昌宮在訓導署西道光四年紳民重修

魁星閣在文昌宮大門樓上北向

木瓜張公祠在城隍廟內相傳爲山東人曾吏兩當而有功德於民者時代旣遠忘其郡縣與其名字與其作吏之時亦不知何以有木瓜之號舊有祠久廢乾隆二十一年見夢於知縣永安醒而詢之士民得其狀遂移其像於廟內州志署知縣陶奕曾張公遺像記曰此張公遺像也志傳莫考土人謂公山左人當前明時宰是邑請悉捐邑之荒賦邑人德之肖像以祀焉舊有祠在城隍廟左首年久圯盡獨像存焉遂移奉於斯亦不詳其名字但相傳以爲木瓜張公云奕曾瞻拜之餘慨然良从夫士膺一命苟有功德於

民雖世遠年湮姓字無徵而衣冠猶在矧其在當日者耶願軼而勿悉謹顏以數語俾後之人識所自官斯土者其亦可感而興歎秦武域曰肖像以祀寧有不詳其名字者木瓜之號特出於鄉愚無知耳志傳當不遺也茲考秦州志有明一代兩當縣尹列名宦者僅止張仁所祀者卽公無疑山東山西或傳訛耳後之覽者可考矣

舊縣志

鴻仁寺在南街東向後殿大佛羅漢乾隆二十三年知縣本著將正殿改建中爲墻供奉

龍亭爲

朝賀接

詔之所左爲廂三楹

藥王廟在鴻仁寺南道光九年紳民重修

祖師廟在城東祖師山上

香泉寺在城西北里許山下出泉冬溫夏涼康熙二十七年居民因造觀殿於其上乾隆二十六年署知縣冷文煒大加修葺爲殿三楹內坐觀音而奉鐵佛像於前鐵佛者舊在寺前溪旁相傳古者溪水夜漲

居民聞呼救聲羣起拯之得一鐵佛立像如所謂接引佛者置溪旁乃取與觀音同奉焉其泉則自殿中地下引至廊外磚甃爲方池復從池下暗引至寺門外鑿石爲龍口泉從噴出居民乃引以灌畦又於寺內殿旁增修僧房三楹鐘樓一座爲一邑勝地焉乾隆五十八年重修道光十四年紳民重修

三官廟在西門外道光十七年重修
東嶽廟在北門外

小二龍王廟在劉家坪城東三里

三官殿在東十五里

紅崖寺東三十里

玉皇廟東三十里

泰山廟東三十五里

興龍觀東三十五里

董真菴東南二十里

玉皇觀南七里

興化寺南三十里

雷神廟南四十里

野林寺南四十里

亮池寺南五十里

觀音院南七十里

興國寺南一百里

蓮花寺南一百二十里

雲屏寺南一百四十里

龍王廟南一百八十里

觀音寺西四十里

魚池寺西四十里

真武廟北二十里

鐵佛寺東北五十里

兩當縣新志卷之四

食貨

物產附

食貨條目紛繁儒生不可曉對山旣言之矣然卽徵諸郡邑志乘或詳或畧體列不均且出數十年之前其多寡變遷苦無依據只得仍仿舊志畧爲區分惟求具體而已但念兩當山崖石壁地畝崎零引灌無龍首之渠整齊無魚鱗之塋是以出息無多故槩從疎濶絕少推求志食貨第四而物產亦因以附焉

兩當縣

一賦役

原額折正一等并節年報墾共地二百三頃六十九畝二分九厘五毫七絲五忽六微九纖八渺九漠內除荒地一百三十八頃三畝七分八毫三絲七忽

實熟地六十五頃六十五畝五分八厘七毫三絲八忽四微九纖八渺九漠

實徵折色糧四百四十五石九斗五升九合七勺

六撮七圭五粟五顆

原額實在人丁一千七百二十四丁應徵均載丁銀

一百二十七兩二錢八分四厘五忽八微八纖三塵七渺五漠遇閏加銀二十二兩三錢三分六厘三毫四絲三忽一微六纖一塵三渺二漠

實徵起運銀六百六十六兩三錢七分三厘六毫五絲八忽一微八纖二塵二渺七漠遇閏加銀一十六兩二錢八分六厘三毫七絲七忽七纖六塵二渺六漠

額外課程銀六兩遇閏加銀四錢二分

地稅銀六兩

茜草折價銀一兩三錢九分四厘四毫三絲九忽
三微七纖

溢額茜草脚價銀一錢九分一厘七毫九絲七忽
五微七纖

藥味折價銀三兩五錢九分三厘二毫一絲二忽
五微

一積貯

乾隆三年奉文開捐應貯倉穀四萬石

一鹽法

原額鹽引四十張該徵課銀二十六兩二分六毫四
絲遇閏加銀二兩一錢六分八厘三毫二絲三忽
三微三纖三塵三渺四漠

一雜稅

畜稅原無定額儘收儘解

一驛遞

原額驛站銀一百一十三兩九錢一厘三毫六絲五

忽九微九纖七塵三渺一漠內

額設馬四匹一歲連閏共支銀七十八兩

夫二名一歲連閏共支銀二十三兩四錢

實支外備銀一十兩尚該站支新墾銀二兩五錢

一厘三毫六絲五忽九微九纖七塵三渺一漠解司

充餉

原額存留經雜銀二百三十三兩八錢九分七厘一

毫二絲五忽八微四纖五塵三渺八漠遇閏加銀

一十五兩二錢七厘八毫一絲一忽六微八塵五

渺九漠

一經費

經制官三員

知縣一員門子二名皂隸十六名馬快八名民壯二

十名禁卒八名轎傘扇夫七名庫子四名斗級四

名舖司四名鐘鼓夫五名孤貧八名

典史一員門子一名皂隸四名馬夫一名

教官一員齋夫三名門斗二名廩生二十名膳夫二

名

額支官役俸工銀八百一十五兩四錢三分二厘
 七毫八絲七忽內除地丁項下徵支銀三百三十
 三兩八錢九分七厘一毫二絲五忽八微四纖五
 塵三渺八漠尚該請撥復荒銀五百八十一兩五
 錢三分五厘六毫六絲一忽一微五纖四塵六渺
 外委一員馬兵七名步兵一十七名守兵一十五名
 營馬八匹

額支文廟并各壇春秋祭祀銀五十九兩五錢九分
 二厘二毫八絲三忽一微二纖五塵

額支武廟春秋祭祀并五月十三銀二十一兩八錢
 八分在於司庫請領致祭

兩當縣物產

穀之屬具稷黍稻粱菽麥稷為多於麥則有青稞大
 麥小麥燕麥大菽麥小菽麥小麥燕麥大菽麥為
 多於菽則有豌豆胡豆黃豆黑豆菜豆扁豆小豆
 大豆莞豆扁豆為多餘則芝麻胡麻麻子荳子
 蔬之屬有芹有芥有瓠有蕨有蒿苣蒼蘆俗名蔓菁
 菠菜胡葵圓根豇豆南瓜倭瓜馬齒莧麥穗菜羊

肚菜其多者為葱為韭為蒜

又有小蒜

為茄為白菜紅

白黃蘿蔔王瓜劈藍刀豆胡蘆苦苣烏龍頭洋芋

菜

果之屬有杏有李有棗有櫻桃有碧桃有野棗有林

檣桑椹葡萄石榴揪子橡子栗子木瓜甜瓜其多

者為桃為梨為柿為核桃西瓜

藥之屬有紅花白芨黃精紫蘇瞿麥地榆菴蓀商陸

葛根菖蒲遠志香附茵陳管仲疾藜五倍地丁夏

枯細辛地椒山藥秦艽蜀葵蒼耳丹皮藿香茵香

升麻黃芪木通貝母牽牛華麻益母烏藥車前百

合白芷欬冬天冬天仙芫花竹荅鼠粘秦椒川芎

鳳眼草何首烏天花粉瓜婁仁五加皮土族荅括

藁根馬兜鈴王不留威靈仙木賊甘菊薄荷荊芥

蒼朮杜仲當歸柴胡芍藥五味羌活穀精草党參

最多

草之屬茜草馬蘭苜蓿其最多也餘則有艾有蒿有

蒲有葦有蘆有水葱蘆葦三角草吉祥草蛇兒草

龍鬚虎鬚草

木之屬松栢椿楸槐柳榆椴與椒與白楊青杠木竹
皆其多者也他則桑梓皂莢垂楊青楊砂柳紅柳
苦竹金竹鳳尾竹

花有桂有蓮有葵有蓼有荼蘼有夾竹桃玫瑰探春
碎錦山丹金銀麗春合歡金盞石竹粉團珍珠絨
線夜合夜香筆頭剪羅紅黃玫瑰淡竹葉草茉莉
旱金蓮藏金蓮串枝蓮萬壽菊六月菊金絲荷葉
其多者為萱為菊凡百種為舜為牧芍藥二者種頗多海
棠石榴月季薔薇迎春鳳仙玉簪百合鷄冠

禽之屬家畜多鷄鴨野多雉鸕雁鵲鴿鳶鴉雀錦雞
沙燕班鳩亦有鴉燕鷺鷥鸛鶻鷹鷂馬鷄沙鷄半
翅鶴鶉鷓鴣布穀骨父倉庚鴛鴦啄木鸚鵡紅鶴
最大者黑鷹

獸屬家多馬驢驘牛羊貓犬野多狼兔狐狸野猪
鱗介屬無有木葉小草魚細鱗魚孩兒魚鯉魚馬鞭
稍魚鍋蓋板魚

蟲有蠶蛭蝶蟬蚊蠖蠋蠹蚊蠊蟋蟀蜻蝶蠨蛸
蟻螂螺贏科斗蚰蜒蟾蟻蜘蛛蝙蝠蠅虎蛇師蟻

蚣蝮牛其多者爲蛇爲蚓爲蜂與螢與蠅

貨則棉花乾粉丹青赭堊五色土花石可爲屏核桃
木爲諸器物而蜜蠟漆三者爲多

文若才華天下聞。可憐失足在權門。
後人休把留侯比。臨沒無顏見漢君。
生獲嚴顏勇絕倫。惟憑義氣服軍民。至今廟貌留巴
蜀。社酒雞豚日日春。潼關戰敗望風逃。孟德搶惶脫
錦袍。劍割髭鬚應喪膽。馬嘶聲價蓋天高。

兩當縣新志卷之五

武備 戎事附

夫有文事者必有武備此一定之理也况地居險
要乎而兩當武備前明未設所自

國朝乾隆年間蘭州十分堡事歲後始立營伍設經制
外委一員兵丁五十名雖不能相恃無恐而重門禦
暴亦未始不可以備不虞也道光初年裁汰官兵十
名以歸利橋新設都司志武備第五及戎事之係乎
境內者亦類附於後云

兩當縣

明朝未嘗設所

堡二十四

小尖山東十五里

剪子崖二十里

紅崖寺二堡四十里

大渠鎮一百二十里

文家堡南二十里

四郎崖二十里

龍頭堡三十里

李家堡四十里

太霸堡四十里

紅崖坪四十里

線家灣五十里

后川堡九十里

趙家堡西五里

喬家堡二十里

蒲家堡三十里

鄒家堡三十里

魚池寺三十里

王家堡四十里

透川堡五十里

鄭家堡八十里

縣川堡西北一里

王家崖北二十里

太陽寺北八十里

兩當汛前歸秦州營轄置墩塘馬兵二名步兵三名

守兵五名乾隆四十九年添設經制外委一員馬

兵十八名步兵十七名守名十五名營馬十九匹

墩臺四處歸河州鎮屬秦州營管轄嘉慶十五年

改歸陝西固原提屬新添利橋營管轄新添墩臺

營房二處道光元年裁馬改步兵一名撥移利橋

營馬兵十名共裁馬兵十一名添步兵一名裁移

營馬十一匹十一年奉文裁減步兵一名現在額

設馬兵七名步兵一十七名守兵一十五名營馬

八匹軍器什物全備

縣民壯二十名

歷代戎事

明

熹宗天啟四年十二月兩當民變殺知縣牛得用
懷宗崇禎元年十月漢南賊大梁王從兩當逼畧陽
五年賊紅軍友等從長寧驛西奔副將蔣一陽值賊
於清水縣矢亡數百人把總徐承斌陣歿都司李官
用見執賊赴張家川總兵曹文詔遊擊曹變蛟追破
之

七年三月流賊奔隴右一斗穀老回回蝎子塊等寇
秦州登西關城適大雨如注民各奮勇敗之總督洪
承疇以是月二十二日至秦州調兵防守賊合兵入
兩當大肆焚掠復向漢中六月張應昌自清水追賊
敗績閏八月賊再聚臨鞏汧隴間承疇督兵搜剿復
由徽州入兩當殺署知縣車胤賢典史李統焚公私
廬舍屠居民

九年五月洪承疇遣總兵柳紹宗從徽州往畧陽勦
李自成又遣兵往徽州扼之七月自成復犯徽州過

兩當殺知縣王鼎鉉

十年四月賊小紅娘圍漢中洪承疇部勒賀人龍由
兩當往救

國朝

嘉慶三年五月十二日白蓮教匪殺擄楊家店諸村
落逼北關士女登陴嚴守旬日大軍至教匪竄去又
五月十三日藍旗賊至南鄉童生王錫仁年十七歲
爲賊所拘迫之脅從錫仁罵聲不絕遂被害其師韓
堦聞之壯其志咏二絕以弔

四年四月十八日教匪楊開甲自白花川擄前川至
縣川焚擄二十一日復至城爲官兵所敗云

十八年十二月二十九日南山飢民由二郎壩擄至
北關西山上瞭城守城兵用烏鎗打一人遂竄上鶴
鶉嶺而去

兩當縣新志卷之六

風俗 災祥附

兩當山中小邑界在徽鳳之間其元日接神五日送窮風俗亦與他處同也雖文不足徵而人樸儉今也客商聿至較初年踵增華矣志風俗第六而災祥附焉

兩當縣以蕞爾小邑界在徽山鳳水之間舟楫不通商賈不至故民不見奇袤之迹而無羨心不見異物而遷務農力本習儉安勤士敦實行民務常業喪葬

兩當縣志 卷之六
嫁娶安儉習陋雖文物不足而質朴有餘事簡訟息糧無逋欠有古桃源風西南之善地矣惟是土疎善崩城垣弗固又故道之水浸蝕東郭屢築屢頽勞費無益承平亦自不妨萬一有事固入蜀之奇道也基石砌磚不可以陰雨未至而忽綢繆之計矣
鞏昌舊志六條
兩當僻寓山中尤朴鄙城無列肆何況於鄉間外商持布縷諸物叩門與鄉人市鄉人以粟易之商索粟多寡無不如意輒大獲以去民至不識權度量爲何物斯尤可憫者也閭閻細故更僕難終所知大畧如此

此州志

災祥

宋

哲宗元符元年兩當縣麥秀三穗

元

成宗大德中關隴地震月餘不止

文宗至順元年七月秦州各縣隕霜殺稼

明

太祖洪武二年秦州諸邑大旱饑

四年正月鞏昌等處地震

宣宗宣德三年隴右大旱饑

十三年閏二月鞏昌諸處地震七月鞏昌諸州縣隕
霜殺稼

十八年大饑人相食

二十一年至二十三年連年旱饑

世宗嘉靖七年秦州各縣大旱人相食

二十一年冬十一月秦州屬縣地震山崖崩墜塵飛
蔽野

三十七年隴右地震十餘次

四十二年秦州屬縣饑

神宗萬曆十年鞏昌等州縣俱大旱

三十二年鞏昌諸處地一日十餘震

懷宗崇禎四年鞏昌諸處地震壞廬舍隕民畜

皇清

順治六年兩當縣地震裂湧出黑水窰房崩塌壓死
人民牲畜無數半月始平

七年兩當縣牛盡斃

十二年夏四月初四日秦州屬縣大雪次日降黑霜
菓木萎死

康熙元年夏五月秦州諸屬大雨至冬十月方止夏
秋禾皆傷兩當迭雷七日暴雨崩山

六年兩當縣雹如兔大積蒲山谷
三十一年兩當縣旱疫死者無算

乾隆五年秋白鶴棲文廟柏樹

兩當縣新志卷之七

官師

武功秦安兩志其志官師也卽其行事美惡並存
褒譏明著不以貶損當世爲嫌志通於史其在斯
乎後之爲志者官師以外別立名宦之篇但取其
善者而他皆闕焉豈前人作志之本指哉今爲新
志本求簡括便宜力復古體自唐宋以迄

國朝凡在官師之列者舉其姓名地方以及出身固無
不詳核而備列焉志官師第七而各宦仍別爲卷遵州

志例也

唐秦州天水郡都督府屬隴右採訪使鳳州河池郡屬山南西道採訪使諸縣成紀上邽爲上縣置令丞主簿各一尉二長道梁泉兩當河池爲中下縣隴城清水爲下縣尉各一

宋鳳州河池郡降舊防禦使爲團練使其諸縣河池爲繁成紀天水梁泉兩當爲上隴城清水爲中各置縣令簿尉官而河池有水銀務兩當有銀冶監則置丞

元諸縣成紀清水爲中縣置達魯花赤一縣尹一簿尉各一上縣有丞典史二秦安兩當爲下置官如中縣又巡檢司一

明分巡隴右道一轄鞏昌府十七州縣諸縣知縣一所屬典史一儒學官教諭一訓導二又秦州有高橋巡檢司徽州虞關巡檢秦安隴城巡檢清水盤嶺巡檢禮縣漩水板橋二巡檢又徽州兩當縣各驛丞一

少省志

國朝多仍明制大裁冗員於秦州各縣裁教諭各畱訓

導一徽縣兩當驛丞亦裁

唐

兩當縣令

權頊

宋

兩當縣令

董喬年

師說

夏世昌

王俞

兩當縣尉

趙鼎

明

兩當縣知縣

史忠

韓時

馬在田

張仁

崞縣人舉人

高騰 伊陽人

彭江 唐縣人舉人

梁銑 太和人監生

馮鵬 內江人監生

孫逢吉 內江人監生

張伸 德州人舉人

晏卿 大昌人監生

陳邦彥 榮城人監生

唐瀛 山東人監生

胡光 沙河人監生

袁祥 茂州人監生

張文言 巴州人舉人

黃若金 施秉人舉人

張效良 遷安人監生

李可培 溧州人選貢

薛承沂 濱州人選貢

吳國棟 雲南人舉人

牛得用 山西人貢生

郝忻 山西人貢生

吳際可 山海人貢生

杜世薦 直隸人貢生

段惟精 山西人貢生

李祥雲 廣西人貢生

車肩賢

王鼎鉉 山東人貢生

徐文獻 山西人貢生

兩當縣主簿

廖森 以後缺裁

兩當縣典史

王誠

郭智

王端

楊鐸

王剛

周靈

江常

郭九臯

吳伯成

于文頤

馬軌

許景春

楊楫

夏友義

魯琰

楊洵

胡景

竇成

周世隆

劉宗韶

溫應取

孔有祚

安登雲

李統

方思化

兩當縣教諭

張駿

張瑛

王時舉

吳嵩

龐賢

成憲

張濟

劉輔

楊琮 典沃人

何泰

王藻

張雅

韓策

雷一澤

景運星 延安人

鹿玉麟 藍田人

兩當縣訓導

蔣慶

王庭

鄒靖

張懋

李銳

王睿

郭儒

彭吉

鄒志浩

劉學

徐琦 長壽人

向善

李元

國朝

兩當縣知縣

楊我清 直隸人 貢生

即熙化 廣寧人 貢生

趙志林 直隸人 進士

吳星 江南人 貢生

蔣大震 山東人 貢生

孫兆禎 宛縣人 舉人

吉頤貞 四川人 舉人

張鳳翥 山東人 進士

李明徵 湖廣人 舉人

武國棟 遼東人 監生

邢吉士 直隸人 舉人

侯聚貴 解州人 貢生

李坦之 濟南人

江中楫 江南人 監生

伍思轍 福建人 舉人

郭守邦 西寧人 拔貢

孫芳 奉天人 例監

田爾易 完縣人 舉人

杜煜 忠州人 進士

荆峻 猗氏人 舉人

三格 滿洲人 進士

保中 滿洲人舉人

永安 滿洲人

陶奕會 長沙人舉人

本著 滿洲人舉人

羅元琦 石屏人舉人

甘士鑰 奉天人援貢

冷文煒 膠州人副榜

周祚錦 貴州人監生

陶淳 蕭山人監生

秦武域 曲沃人舉人乾隆三十二年八月任

宋瓚 樂平縣人舉人乾隆三十四年四月任

羅家得 長沙縣人舉人乾隆三十四年閏五月任

李淑沆 洛陽縣人舉人乾隆三十六年十二月任

宋樞穀 錢塘縣人副榜乾隆三十七年八月任

湯傳業 陽湖縣人舉人乾隆四十年二月任

劉枋 常熟縣人議叙乾隆四十年四月任

魏大本 江夏縣人拔貢乾隆四十六年九月任

張乾珀 湘陰縣人舉人乾隆四十七年七月任

連

彭

上虞縣人監生乾隆四十九年十二月任

路作

天津縣人舉人乾隆五十年正月任

崔漢源

商河縣人舉人乾隆五十一年九月任

齊默慎

蒙古鑲紅旗人官學生乾隆五十五年六月任

白久潤

平定州人舉人乾隆五十六年三月任

程永昂

壽州人舉人乾隆五十八年十二月任

羅學述

東莞縣人舉人乾隆五十九年六月任

孫是蘭

鳳陽縣人拔貢嘉慶元年二月任

孫鉞

嘉興縣人舉人嘉慶元年十二月任

誠忠

滿洲正藍旗人都察院筆帖式嘉慶四年七月任

秦瑗

靈川縣人舉人嘉慶六年六月任

崔景儼

永濟縣人監生嘉慶九年十月任

劉賓

乾州人拔貢嘉慶十年十月任

徐瑤

大興縣人從九品議叙嘉慶十二年三月任

周邦倚

南豐縣人舉人嘉慶十五年七月任

國興

滿洲鑲黃旗人舉人嘉慶十六年十月任

季士超

金匱縣人議叙嘉慶十九年六月任

胡之銑

太和縣人進士嘉慶二十二年二月任

張萬年 大興縣人監生嘉慶二十五年八月任

周慶雲 南豐縣人舉人道光三年五月任

孫嘉楹 許州人監生道光三年七月任

李 焯 蔚州人拔貢道光四年二月任

姜懷瑗 平越州人附貢道光四年六月任

黃 凱 黃陂縣人進士道光四年十二月任

李清傑 長洲縣人進士道光五年正月任

劉 詩 鍾祥縣人進士道光五年二月任

鄭存仁 江安縣人舉人道光六年十二月任

白雲駒 洋縣人舉人道光八年四月任

張嗣炳 臨桂縣人舉人道光十年十二月任

徐 淦 會稽縣人議叙道光十一年八月任

魏玉峯 富平縣人進士道光十四年二月任

王大干 交河縣人舉人道光十五年五月任

李懷庚 朝邑縣人進士道光十六年三月任

莫榮新 通州人舉貢生道光十六年十月任

德 俊 蒙古廟黃旗人進士道光十八年十一月任

兩當縣典史

戴瑞

胡覲

張璘

高元英

孫慎行

周鉉

相方昇

蔣培

沈尚錦

楊鐸

陳燹

杜文仲

屠文焯

錢塘縣人監生乾隆二十五年三月任

劉元福

遼州人附貢乾隆三十二年十一月任

高有拔

廣昌縣人吏員乾隆三十四年十一月任

陸瑞

仁和縣人監生乾隆三十六年三月任

李夢蘭

江陵縣人監生乾隆四十年八月任

王永樞

青陽縣人儒士乾隆四十一年八月任

曾對揚

莆田縣人監生乾隆四十五年五月任

勞宗齡

錢塘縣人監生乾隆四十六年六月任

李旭

南城縣人監生乾隆五十年二月任

王世錦

太湖廳人監生乾隆五十年九月任

汪有恒

大興縣人考取主簿乾隆五十六年三月任

丁芷

貴定縣人吏員乾隆五十九年五月任

范廷璋

宛平縣人議叙嘉慶元年四月任

周慶會

常熟縣人監生嘉慶八年六月任

徐鴻銘

武進縣人監生嘉慶十二年六月任

羅玉音

廬陵縣人監生嘉慶十二年十二月任

馮興俶

代州人監生嘉慶十八年四月任

周森

建昌縣人儒士道光元年十月任

袁起業

長山縣人監生道光二年七月任

魯士堯

山陰縣人議叙道光三年八月任

楊廷綸

大興縣人監生道光九年五月任

李堯年

大興縣人監生道光十年四月任

龐益公

富平縣人吏員道光十年八月任

李維墉

嘉善縣人監生道光十四年九月任

兩當縣教諭

李冲星 富平縣人

原麟 蒲城人

樊培已 長安人

王恂 延安人 以後缺裁

兩當縣訓導

祖衍泰 永壽人

楊繼震 富平人

吳碧 涼州衛人

張元秀 涇陽人

任昱 洮州衛人

楊斌 白水人

劉炬 中部人

李鑄 涇陽人

楊廷賓 潼關衛人

馬象乾 寧羗州人

徐咏 安化人

周師宣 永壽人

淡日章

洮州衛人

王纘祖

邠州人

楊侍御

蓋屋人

牟我贈

蘭州人

楊國樸

莊浪人

史鏡

寧夏人

高仲

蓋屋人歲貢乾隆二十七年閏五月任

王學淳

商州人舉人乾隆三十七年九月任

朱文朗

臨潼縣人舉人乾隆四十二年二月任

范馨

韓城縣人歲貢乾隆四十二年七月任

宋隆

寧朔縣人歲貢乾隆五十年二月任

張振昔

石泉縣人歲貢乾隆五十年九月任

王智遠

涇陽縣人舉人乾隆五十一年八月任

喬爾崇

洮州廳人歲貢乾隆五十五年十月任

王作聖

永壽縣人歲貢嘉慶四年十二月任

張旋吉

鎮原縣人歲貢嘉慶五年正月任

牛姿麟

莊浪縣人歲貢嘉慶五年十二月任

吳應誥

玉門縣人拔貢嘉慶十一年正月任

黨慎修

朝邑縣人舉人嘉慶十二年正月任

李佩玉

百泉縣人歲貢嘉慶十三年七月任

李杰

安定縣人舉人道光三年六月任

馮清庚

咸陽縣人舉人道光四年八月任

李育琛

華亭縣人歲貢道光五年九月任

郭興京

河州人歲貢道光十一年九月任

趙秉鉞

涇陽縣人歲貢道光十二年三月任

張瑜

阜蘭縣人廩貢道光十六年十月任

楊鏞

三原縣人歲貢道光十七年六月任

劉校書

涇州人拔貢道光十八年四月任

李偉觀

中衛縣人歲貢道光十八年六月任

兩當縣武職經制外委

馬耀

蕭之英

徐璉

馬寶

李文重

張加祿

劉邦寧

趙希

高翔

米慶豐

沈貴

陳漢鼎

王縉

王明玉

陳緒

秦州人
行伍

張功

袁瑤章

四川綏定府人
行伍

李應魁

兩當人
行伍

柴大安

會寧人
行伍

裴進魁

秦州人
行伍

朱益

秦州人
武生

胡世拔

四川長壽縣人
行伍

鐘紹元

四川崇慶州人
行伍

兩當縣新志卷之八

名宦 流寓附

蒞斯土者已備列官師中而又曰名宦者官斯地而有名者也謹據宋明以迄

國朝有非專官而功名見於斯地者有專官而功名不見於此地而別見於生平者有官亦非專官功名亦不專此地而此地亦在所治之內者是皆不可不特為標出也志名宦第八至於既非專官而功名又無關此地者概不與焉

宋

趙鼎聞喜人徽宗時爲兩當尉自筮仕時立志遠大後爲中興賢相考本傳字元鎮登崇寧五年進士累官爲洛陽令令曰累則尉可知

州志

明

廖森遺其籍兩當舊治元末地燬洪武四年設縣尙無官署七年森來爲主簿始於舊基別創慈又同訓導蔣慶於其東創建儒學治教有所縣治始立焉

州志

高騰河南伊陽人正德乙亥來知縣事重學校通民情遷建學宮於黃花驛址又築堡西山修堤城東以捍城民甚德之立生祠於儒學之左兵部職方主事長安田瀾爲記

張仁山西崞縣人嘉靖中由鄉舉知兩當縣立志清苦惠政且多在任九年絲毫不取於民民肖像祀之

國朝

郎熙化字太和遼東廣寧人順治間知縣事縣自流寇焚劫學宮鞠爲茂草公始創建廟學勤祀事焉

張鳳翥山東人康熙初由進士宰邑先是遭寇城陷歷任皆居西山堡公至始移治於舊城創堂舍與民共甘苦邑中始有起色

李垣之濟南人康熙三十七年任有惠澤民懷之立德政碑

江中楫江南新安人康熙四十四年知縣事革除積弊催科無擾又大修學宮制度始備一時稱賢令焉

流寓

唐

杜甫字子美膳部郎審言孫至德乾元間以拾遺出為華州功曹屬關輔饑輒棄官去客秦州卜居東柯谷已而去之暫寓成州同谷縣隨復去之道兩當嘉陵江上寓吳侍御宅時侍御貶長沙子美懷之作江上宅詩遂入蜀

宋

文潞公彥博微時寓兩當設教於郇氏家

州志

明

盛廣桐城人明末以舉人知徽州崇禎十六年因寇

亂與兩當令徐文獻偕隱於兩當之黃巖洞

唐通未詳其籍微時遊於嘉陵江上遂寄居葬其祖

母後為定西侯徽州牧徐起霖兩當縣尹蔣大震為

立碑買置墓

兩當縣新志卷之九

選舉

歷朝薦辟選舉附
貢士附

學校附

武舉附

予修兩當志而至選舉之篇未嘗不嘆孝廉與進士之難也歷代以來皆無所考惟自有明以迄

國

朝列選舉者不過寥寥數人降而貢士又皆甘心潦

倒鮮克自奮以有聞於時披閱舊志姓名累舉問其

家世大半不復識矣可不為長太息哉志選舉第九

若夫學校名數選舉之本也則附於前與薦辟之附

於前武科之附於後同一例云

薦辟

明

馮均臣兩當縣人由薦授戶科給事省志

進士

天啟壬戌科一人羅世錦廣西道御史巡按山西

大理寺正

舉人

嘉靖科分無考一人史衛

萬曆丁酉科二人何紳 賀國正

戊午科一人羅世錦

朝代科分無考一人鄭禮

貢士

馮舉 羅仲德 姚廷佐 鄭文祿

孫紹先 劉鑾 丁寧 凌廷瑞

左世安 劉大武 楊世賢 李秉燹

羅元鴻 史策 鄭文福 羅仲仕

楊世功 宇文震 楊松 路從周

羅仲儒 高魁 郭邦 劉敬

郭郊 李遷 羅一乾 馬行仁

楊愚 温詩 侯紹周

王剛 靜寧州學正 胡來亨 山東益都縣丞

周師 湖廣長沙縣丞 羅衮 河南上蔡知縣

羅奇錦 四川安居知縣 羅禔 湖廣襄陽教授

張志誠 四川永川知縣 陳重器 河南修武縣丞

李俊 河南歸德府判 張志謙 鳳縣教諭

楊大德 狄道訓導 傅昇重 山東泗水訓導

左鑾 山西洪洞縣丞 鄭守信 南京知事

張敏 四川主簿 羅國錦

左洙 雲南照磨 賀積慶

羅應輔 吏科給事

武宦

常經 崇禎間任湖廣算字守備

皇清

兩當縣學校

學生二年一貢廩二十缺增二十缺入學歲考取文武生各八名科考文生八名

舉人

乾隆己卯科一人

羅暉 丁酉年 拔貢

丙午科一人

羅經文

甲子 恩科一人

安且吉 國子監學正 廩 縣訓導

貢士

劉震龍

侯昌祚 隆平訓導 歷咸陽 教諭 滋州衛教授

江西寧都縣丞

周道光 洵陽縣 訓導

張碩弼

劉躍龍 甘肅州衛 教授

山西布政司理問

賀海壽 漢陰 訓導

楊士奇

史司言 浙江黃巖縣丞

史司諫

醴泉縣 訓導

李維泰

紫陽縣 訓導

陳雄才

羅夔輔

維南 訓導

張恂如

延安訓導 陞 河州學正

侯建勳

高陵 訓導

李懋忠

高陵 訓導

楊贊震

鄠縣 訓導

降暹

維南訓導 升 臨潼教諭

羅九棘

南鄭 訓導

羅九會

華州 訓導

胡方煜

劉體泰

羅說輔 順治庚子副榜

張良弼

溫瑜

姚克勤 安定訓導

王賓 咸寧訓導

鄒思忍 洋縣訓導

馮天霖

郭助城 鳳翔縣訓導

周文淵 鳳縣訓導

楊育 拔貢

周才美 恩貢

王含章 拔貢

楊漸純

楊大業

王寶 恩貢

侯屏翰

李綱

楊素學

王室

周文襄

姚思智 恩貢

李景唐

侯屏藩

陳璽

王景旦

韓玘 寶雞訓導

張溥

王豫章 恩貢

李績

韓乃紹

韓乃緝

楊際時 岐山教諭

李含蘂

王有章

降廷秀 恩貢

張爾梅

劉璿璣

韓宗潮

李善

羅明卿

姚逢年 西安府訓導

姚大成

降廷儒

史友直 宜君訓導

李懷璉

韓堦

姚大賓

韓壇

姚廷選 恩貢

趙英

侯肇基

馮天恩

王哲

周顯志 恩貢

李作梁

韓塘 恩貢

朱俊

史質直

左考祥

王維新

羅新蔚

史鑑

郭重義 廩貢蒲城訓導

史鏡

鄭綵

韓文經

王齊家 恩貢

史同

張垌

羅如雲

武舉

嘉慶己卯科

蕭顯祥

道光乙酉科

李文

雜官已滿吏

典 吏 蔣繼璉

羅真吉

馮 苛 道光八年選授安徽徽州府婺源縣項村巡檢

馮 嘉

余 江

劉遠龍

李耀林

賀登相

兩當縣新志卷之十

人物 列女附

選舉之後標人物猶官師之後標名宦也人物不盡於選舉猶名宦不盡於官師也况乎十室之邑必有忠信敢謂斯地遂無人物乎今特論次時代使觀者即其來以定其人人而風雅是名文苑人物人而純篤是名孝義人物則人物豈可闕哉志人物第十列女亦人物也即附後列女專載節烈傳排纂舊志博采新聞凡若干人著於篇

唐

吳郁兩當人善書法字體綿密不謝當時肅宗時為侍御史以直言被謫

宋

楊堯兩當人少刻志於學仕為進武副尉明一統志

明

馮均臣兩當人官戶科給事忠直敢言

羅榮兩當人官龍安同知有遺愛

劉鑾兩當人兩任博士皆以善教聞州志

史衛字康齋兩當人嘉靖間孝廉歷官閩鄉原武西華有惠政後授揚州府通判總司錢穀有廉聲擢戶部山西司郎中康浩表於墓云原武之佐無間閩鄉揚州之頌無間西華三邑之績超絕當時一府之佐聳出儕輩

鄭文祿號北園兩當人嘉靖乙酉歲貢仕易州通判進永和尹再調廣昌當道者有質樸清恕體國愛民之薦母孀居六十年事之孝謹不倦學最富遠於易左氏春秋著有讀易日得春秋闡微藏於家

羅世錦字煥宇兩當人天啟壬戌科進士授臨淄令
調蓬萊治行卓卓有名擢監察御史代巡山右興利
除弊不少避崇禎甲申及難

國朝順治十一年知縣蔣大震爲志其忠列於墓

羅奇錦字關之世錦弟崇禎間知四川安居縣革馬
戶禁截糧有政聲輿情推服爲頌十美曰隆重祀典
曰三代治民曰精修武備曰城池永壯曰催科撫字
曰折獄如神曰招撫流移曰肅清左右曰痛除羨餼
曰囹圄一空邑御史李達錄其德政序之

列女

明

張氏廩生侯清妻清亡氏方少艾矢志靡他甘貧守
節教子紹周成名嘉靖間表其門令邑宰歲給米絹
壽七十三而終

黃烈女邑庠生黃元凱之妹崇禎丙子流寇大天王
高者焚掠嘉陵江上劫女欲污之女大罵不屈冒刃
死時年十六云

國朝

降氏生員史策妻策亡氏年十九守節自矢撫孤子元直入泮乾隆二十二年建坊旌表

羅氏生員左士俊妻年二十士俊卒氏勵苦節撫弱孤終身不渝迨子賡虞名成於乾隆二十二年獲表鄒氏儒童降元職妻年二十五而寡勤紡織以事舅姑舅姑憐之氏終勿輟也撫二子長毓英次菁英後毓英遇試入彀榜未發而沒于州邱學使者聞其爲孀婦子哀之與之棺並奠以誄同試者多哭以送無不爲其母哀也

史氏武生安且祥妻賦性堅貞結褵六載遭且祥物故孝侍翁姑撫猶子以義方治家門而順序守節三十八年嘉慶二十三年疏准建坊旌表

羅氏鄉民任躡功妻青春於歸七載夫故苦績養親事翁姑至孝辛勤教子而貞節堪風守節三十九載道光元年疏准建坊旌表

高氏鄉民任來功妻於歸八載來功亡撫幼子與羅氏同奉翁姑鄉里稱孝守節三十六年道光元年疏准建坊旌表

王民生員白志清妻於歸六載志清故事翁姑而鄉里稱孝凜冰霜而苦節堪風守節三十五載道光二年疏准建坊旌表

姚氏儒童李登妻夫故青春矢志白首完貞撫二子以俱成奉雙親而終老守節三十六年道光八年疏准建坊旌表

史氏儒童周顯揚妻顯揚亡氏青年矢志守節甘貧撫孤子以成家奉雙親而盡孝閭里咸稱道光二十年疏准建坊旌表

兩當縣新志卷之十一

藝文

嘗閱秦州志可泉先生有曰每覽郡縣志多不載鄉先生所爲文字夫鄉先生獻也其所爲文字非文乎使畧而不載後世將何所徵耶是以廣爲蒐羅取其文之有關於斯地者雖瑕瑜不掩或貽笑於高明而吉光片羽亦聊以備輶軒之採擇云爾志藝文第十一惟是體不能備姑就所見稍爲差次以類從焉

記

靈應泉記

宋夏世昌邑

邑境東南隅遵谷六七里地名礮水有泉曰靈應岡阜東來西向突立一峰峭壁巉巖面列神龕白楊數樹森繞其間大可合抱如七星然下有洞穴水所自出晝夜不舍清冽可愛神實司之有禱必應俗傳爲旱澇泉其來遠矣聞之元豐間漕使董公文仲修建祠宇歲久厄於兵火今獨畱題詩刻在焉厥後神之靈異見於禱雨祈嗣者如影響形聲應之不差如度量衡石使人必信紹興庚午令尹董公喬年敬神祝

之明驗閔廟貌之寢隳始復一新加以邑民具列其事於臺府俾聞於朝期之錫封以荅神休後雖不果然神之所以加惠一方者則有隆而無替也乾道己丑勾龍公師說臨宰是邑念香火不可不嚴一夕感神夢從民之請命羽衣楚大義領祠事大義既至則傾囊橐增葺其所未備顧規模雖不能盛麗然殿閣齋館無一闕者嗣師陳久道繼之興修之念益勤抑欲大有以建立也紹熙四年秋世昌竊祿來此得聞

神之有功於民歷歷可考心雖加敬之而未嘗身履其所以然者歲在甲寅三月偶因官事之暇挈眷屬以嗣續之艱乞靈於神且知一念精誠以手掬水神必賜之以奇石苟惟不虔則茫無所得於是祝香洞前信手一探而得其二三焉嗣後實諧所願因以印證乎前聞而敬且信矣嗚呼異哉久道來乞文以爲記余未能道其詳也姑以所傳聞神驗本末之梗概與叅世昌所以蒙神之休者信然不誣故記之以昭示神之靈顯佑助不可不敬者如此

重修廟學記

國朝李冲星

文廟展轍龍興屏樹文壁天馬崑崙左右間古柏蒼翠若環拱而來揖也其前故道河一碧數頃自泮水而西曲流滌洞肖泗水之佳致慨自巢巾煽亂官署民屢付之楚人一炬僅存廟學一區耳危立空城淪入草昧岌岌乎其傾圮血食將墮不得已遂遷夫子位於堡樓上無以稱神樓下無以儲生徒丁亥臘月侯來牧是邑謁神於矮屋驚顧錯愕卽有修建之舉時上夫夫爲重地需材孔亟借寇者三未果所

願庚寅之夏四月獲抵是治周視廟學遂集衆僉謀曰廟與學葺治正在今日過此則酉金月畢將歸烏有先捐俸金數鍰隨以大義勉諸生願生徒各將廼心嗣是日計日謀不憚其煩時督時省不厭其苦材必取其永久用必植其堅完施不拒諸傭作物不鄙諸細微前歲七月始事今四月告成焉神位几案肅然畢具學階露臺巍乎是崇丹垣有繚甬道斯闢用雖未加乎初事可聿如乎舊至踵事而成厥志其後之君子與諸生復覩文物威儀雜然稱曰廟學久湮

草莽一旦神明妥矣

聖道崇矣儕輩苟能蓄其

業於有永大以襄

朝廷廣以隆祀典久安長治

夫天下將在斯與是可無傳乎轟然礮石督余記之余因泚筆書焉侯姓即諱熙化字太和遼海廣寧人士民頌曰節義著武都事業滿隴右作史者必書之余可無誌也第高其修廟學一事以勒不朽云時順

治八年秋八月

重修學宮記

江中楫邑令

先師孔子之廟自國都以至郡邑在在俎豆蓋以禮

義相先之地人心於是乎正風俗於是乎美化理雍熙國運昌明其成效章章可放已我皇上首重文教崇廟祀親釋奠隆禮已極所以裨益人心挽回風俗舉一世而甄陶之斯足觀德化之成也康熙己卯冬余承乏兩當入其邑城幾如斗居民數十家合境內較之僅以千計蕭條之狀不可名言蓋當凋敝之餘民多逃散求所謂歌樂土而爰得我所者無有已謁 聖廟堂止三楹僅設 夫子十哲之位於諸賢則闕而未備怒焉憂之謂居民如是則殷富

不可得而問也學校如是則弦歌不可得而聞也欲求補苴難於速效頻年以來一切不便於民者亟除之催科無擾五年之間戶口已增二倍遂經營

夫子廟設兩廡以安諸賢前列戟門三間名宦鄉賢二祠置於門之兩側櫺星門外泮池以木柵護之其東別立三楹爲啟聖祠西三楹爲明倫堂堂前建二門大門始於癸未之夏於乙酉冬落成計錢三十二萬有奇邑紳士共助十三萬重傷一人之力有限而宏敞其堂邃深其宇不能也夫宮墻之內以道德爲

千盾以忠信爲甲冑使諸生入其門揖讓有禮進退有方移孝可作忠能弟可事長毋趨於浮毋長其傲則人心正而風俗美詎有外於是與昔韓文公治潮潮人始知學柳子之治柳亦然余何敢希蹤二公而竭蹶其力焦勞其心或庶幾一得之有合也故記之後之君子宏敞其堂邃深其宇與此邦之人鼓舞而振興之以無負 聖天子作新之化是則余所深望也夫時康熙四十四年冬月

永利渠記

秦武城邑令

兩當城北里許有泉曰香泉泉之西南兩山相讓中爲溝曰窰溝袤可二三里流水直東下與香泉合當夏秋際猛雨時行水輒肆犇爲田廬害乾隆乙酉爲甚余於丙戌來攝是邦職當除害興利因步履其地集二三父老而語之曰此方山圍水澄木欣花娟若廬於斯田於斯聚族於斯旣安太平之福復享林泉之美樂可知已且平疇雲連實嘉苗良以視樹藝於木石之泐收穫於虎豹之口者歲獨豐若亦幾忘帝力矣民之寧吏之願也茲胡爲甲第而傾仄勿壯耶

胡爲繡壤而學確不治耶若獨安乎不安而胡爲竟
安之耶今與約明年其理之越丁亥春二月歡欣子
來奮鋪鱗集遂開渠以達於河事歲復進父老而勞
之曰一泓潌洄掩映於垂楊垂柳間景旣佳水宅其
壑無任橫流園舍不災利斯溥諸父老其有力與庶
寧居矣可名曰永利渠猶願父老之利其利耳耆諸
父老其志之

皆山堂記

秦武域 邑令

廣香官寺左偏有廢園亭已去而泉不來竹直梅橫

柳垂自拔於蔓茨間四顧隴蜀諸山帶繞屏張超躡
睨送青而入余試政之六月剔穢醜壅相其舊址築
堂於上旣成四山環拱而落因摘醉翁亭語以名夫
承 天子命備宰百里不思戴星宣化與民更新
廼務構造營觀遊如職何雖然永之新堂滁之豐樂
扶風之喜雨古之人有行之者則又何也蓋造物與
人相待者也其或名都繡壤山輝川媚飛亭曲榭都
人士點綴其中覽不隨意爰謀改作視平其巧視陋
其麗民疲費糜令獻洲天然畫目總歸烏有旣目荒

而志淫日忘公而私娛是造物者之爲人累也若乃
嵐拱澄園介在幽僻白雲時棲明月相印雖秀色之
撲人恒鬱結而未申忽覩一翼然者可憇屐齒以延
清景以鬯地靈佳境旣開民氣和樂耳目丕新是人
之大有造於造物也是古人之行也方今海內寧謐
萬里臣服輿區野氓其沐浴雨露也久矣乃者十日
一雨三農有慶歡欣鼓舞之象田廬改觀而斯堂以
築試觀斲椽而不畫棟文窗而不繡闥而山突如而
泉濶如而卉木欣如亦儉亦雅俗安吏閒是順造物
之樂而非侈情於其間也吾知斯地斯民與斯堂日
就於新共優游於太平之宇矣是豐樂喜雨之流風
也予之築又烏可以已哉矧夫山椒半隴畝也春秋
曉夕登於堂蒼翠萬狀倏而農謠倏而樵唱此犢犁
雨荷畚拾薪天時之豐嗇民事之休苦觸於目而會
於心則瞻眺流連職亦在焉將有得於柳子之楷法
者誰謂不在於皆山之堂

重修香泉寺記

羅 璋 邑人

香泉寺不知昉自何時雍正三年傾頽將盡僅有菩

薩一像眾姓始謀重建添塑諸尊至乾隆十年工竣
蓋久廢復興若斯之難也乾隆壬午宋氏捐其近寺
地為香火貲 冷邑侯因砌泉為池剝印月軒及僧
舍山門具有顏題嗣是相仍日久風雨侵蝕未稱瞻
禮之敬今年癸丑首春少府汪廳尊首議修葺請於
白邑侯並謀之喬師尊李副府首捐清俸使會內人
共襄斯舉遂募捐四十餘金刻日鳩工逐一完繕粧
施金碧粉飾墻垣無不煥然改觀實 少府公之倡
始有以成之也以崇福地以繼前休以壯觀瞻可
以不記

重修城隍廟碑記

韓 堦 邑人

兩邑屬禹貢雍梁之交周合梁於雍為雍州地春秋
戰國羗戎所居秦為隴西郡地漢故道縣屬武都郡
而城隍廟固已有之歷代以來且修且圯不可勝紀
自有明嘉靖年間殿宇重整始建鐘鼓二樓

國朝康熙甲午更為補葺輪奐燦如夫然後對越之下
洞洞屬屬而心志以肅奈歲久日深風雨岌岌以動
盪之而廟貌頽然或陷或壓始不足以安 神靈蒞

斯土者瞻拜之餘每爲浩歎邑之父老僉曰傾圯若此誠兩邑之恥也是不可以不亟修之於是鄉城遠近紳士商民踴躍捐輸奔走恐後乃選吉日召工師登築削平丹堊漆髹后殿則崇以麗也兩廊則宏以敞也鐘鼓樓則高以整也戲樓則爽以塏也由是向之雀鼠穿突椽桷蠹腐蓋瓦級磚之漫渙不鮮者煥然改觀旣備乃事孔曼且碩經始於嘉慶己丑春三月落成於丁卯冬十月邑人咸喜謂宜奉牲勒石囑予爲記予謂管蠡之測不足喻穹蒼之高燭火之光不足語日月之明夫以蕞爾小邑介在邊陲攝乎徽山鳳水之間風尚渾噩雨暘時若民無疵癘而百穀用成何莫非神明默佑之力初無俟予之鋪張揚厲爲也况今

聖天子首重明禋之典自京畿州郡縣衛大小內外各安土主莫不虔事以堂以室悉饗悉當故兩邑雖小而臨保實赫濯焉詩曰神之格思不可度思矧可射思則是舉也豈僅爲都人士屬耳目壯觀瞻已哉抑亦彰善禪惡樹之風聲爲人心風俗之防云爾嘉慶

丁卯冬十月吉日

新建廣香書院碑記

周邦倚邑令

嘗攷周禮鄉鄣邑都皆有學此後世義學社學書院所由昉也而王制所載司徒耆老各分司其事尚賢以崇德簡不肖以黜惡故立有選士俊士造士之典移左移右移郊移遂屏之遠方之文蓋於教化之中卽寓刑賞之權亦以見教民之道與治民之術未可偏廢也兩當於秦爲故道縣歷代因葺不一以其爲秦蜀捷地雖彈丸小邑名勝爲多其間人文秀出杜子美嘗遊此地題詠幾遍

國朝來舉於鄉者僅二人余蒞任茲土見其民剽悍尚氣好訟輕生欲化其俗而不可得因思文翁治蜀大興文教而民漸歸禮讓兩當與蜀接壤風氣殆近之查邑乘城北向有書院爲育才之所年久傾圮基址半爲民間侵佔因按圖丈量清釐其地捐廉創建興工於二月十六日落成於六月二十七日講堂三楹左右兩堂齋房各三間門廳一所左右房二共計十四間外設廚房周圍繚以墻垣橫直各十八丈外墜

南甯縣志 卷之二
牌樓門以爲總鍵正廳坐乾巽兼丙丁向背倚華林
峰面朝大夫山四山環繞青巖翠黛蒼萃其中雲烟
變幻朝夕景色無窮亦足以助文人勝致也但膏火
不充向有地租約五十千爲書院之費余以二卽壩
場頭升斗歸之經理每月所出以爲課期獎賞飯食
之需因欲多設膏火攝篆日淺有志未逮後之君子
增益而擴充之庶乎教養兼備禮樂之興幾於刑措
此余所以冀望於斯民而願後之君子相與有成也
是爲記

重修明倫堂碑記

李佩玉

堂之設由來久矣自乾隆戊辰重修後迄今六十餘
載墻頽瓦解棟折榱崩余蒞任卽有志復修以歲歉
不果辛未國公下車視學觀其狀遂指堦前柏曰有
此樹以公濟公則一半工費足矣詎可令大厦之覆
耶於是定價出售嗣以請修 聖廟撥項助工並
得紳士樂施於二月興工五月落成其基前移數丈
而文氣更覺團聚其堂稍減數尺而體段亦復宏闊
猶歟庶幾前業克繼學校之觀瞻亦壯也後起者誠

能隨時補葺則豈但百年之鞏固已哉至所有樹價捐貲及工料之費悉列於碑陰嘉慶壬申上浣

重修文昌宮碑記

趙英 邑人

聞之祀典曰有功於民則祀之夫欲祀之以酬其功則必棟宇之以安其神修飾之以壯其觀此固歷代以來崇德報功立廟致祭之本意也至若帝君受勅者頻仍加祭者數次非其功之浩大而何以有此獻享也哉是故一十七世布大化於民間九十七化著元功於天上而其所最著者服藥而亡奉君命也忠莫忠於帝君負水而出救母生也孝莫孝於帝君正宜完宮殿以彰其德崇閤闈以廣其化始遂神人之意焉乃不謂日積月累風雨侵淫壞墻垣露法相倒屋脊成淨土遂令萬丈光芒竟成斯文掃地斷絕七曲路豈徒減大洞之良規不開方便門亦並毀寶籙之成法卽人人有性不碍真修而俗眼無知必須見像是以因會中之積累造寶殿於金方勸大眾之樂輸起法身於兌地壬午興工甲申告竣雖賴衆姓之力實由帝君之靈爰勒諸石以見帝君

忠孝之功固大而萬世仰資於無窮也道光歲次甲申仲夏月敬撰

重修藥王廟碑記

趙英

竊聞殿宇所以寓神固宜高其閎開崇其垣墉則神安而人心亦安矣兩邑之有藥王廟由來舊矣申藥王左配牛王右馬王各建奇功於昔年乃貽妙像於後世隨時致祭畧展微忱卽禮所云有益於民則祀之者此也奈世遠年湮蟲鼠蠹其瓦礫風雨傷其墻垣顧茲殿宇頗患傾頽於是大啟願思欲加修葺

因延四街會首共議重修正殿獻殿以答神庥但地瘠民貧旣非一人之力可就而零星聚米必賴大千之功乃成爰疏短引廣募善緣閭邑中官員紳衿並鄉城內外客商善男信女共得布施肆百餘金於戊子八月動工已丑八月告竣行見星簷飛翠一新鐘磬之音斗拱流霞大壯郡邑之色殿宇輝煌綿亘千載神形燦著香火萬年

創修文峯碑記

韓塘 邑人

文運之盛衰雖曰人事豈非地脈哉念兩邑自歷代

以來登甲第者亦不乏人卽我朝說輔羅公於順治庚子康熙癸卯兩中副榜亦越乾隆癸卯丙午兩科羅閻齋先生叔侄相繼爲孝廉此固由培育之多材亦未必不發祥於地脈也嗣後數十餘年賢士寥落鼎甲無人稽之人言合之輿論咸謂地靈人傑有補斯完於是閤學商議以補地脈奪造化之功轉山色於眉睫藉人力之巧立文筆於吳峯則地脈一補雖不能獲效於目前亦庶幾有裨於後學也况乎文章事業一縣之風氣攸關而東南地脈之聳秀又多士科第之所由今幸功竣則爲崔巍爲翠華倚天拔地欣瞻巽位之超特曰俊士曰髦士銀榜金書快覩文昌之永麗矣歲次上章執徐昭陽協洽吉旦

重修關帝廟獻殿記

韓 堦

獻殿者是集義所生者也義在則情生情生則義無不舉蒸蒸向善非沽名邀譽也關聖大帝忠義千古廟堂崇祀標臣節之大綱立人倫之正道我朝神功顯助驅逆伏魔爲尤著今雖新建山門而獻殿頽然觀瞻不雅因之衆義勃生凡心存一忠義者未

嘗不以忠義之 聖神爲依歸也以爲殿宇不修忠義似未能振也香火不盛忠義似未能彰也在 帝君之忠義殿愈舊愈古而吾人之忠義殿不新不安茲欲補葺亦惟義所在而已衆義一舉工已告竣易曰敬義立而德不孤其斯之謂歟是爲記歲在嘉慶二十一年五月穀旦

賓興費記

劉詩 邑令

兩邑士風樸茂有餘文采不足大抵因科名無聞末由激勸科名之少又因庠多貧士末由奮興余官茲土與邑人士議論及此咸願設立賓興費以子錢作應舉路資余嘉其善屬老成於城鄉集腋余與同僚捐俸凡得制錢三百六十千緡發與生息自庚寅歲始癸巳余復措制錢四十千增之計實存賓興費錢二百千緡並詳上游立案以期永久自茲以往有志進取之士不患跋涉無資其尚乘時汲古爭自琢磨以庶幾科名日興人文蔚起勿負厚望是爲記

香泉寺記

史誠直 邑人

故道黃花今名兩當於縣北得香泉焉水清而甘自

池中湧出灌園六百餘畝池之上建佛殿三間右旁有印月軒前對元武臺後接西塘嶺南望文山之巔北連椒園之水異景錯出不可勝叙是水也尤長於煮茗有清心明目之功池邊古柏森然亭亭獨秀池內魴魚數尾遊觀者每暢覽焉邑之紳士培以薔薇梅桂等花又置太湖石於山門之內真卓然勝境也夫有形勝之地而不得極勝之文以咏之殊爲憾事故邑宰冷公題其門聯曰泉脈初開百里桑麻皆德水神光普照萬家烟火仰慈燈又有一泓秋水鑑巨心一泓止水走晴雷之句斯文之美真堪絕調而三師聞翁教學於此亦嘗有示諸生之作嗟乎有少陵之詩而無東坡之畫則猶是天之愛道地之愛寶而不足以盡其勝也長嘆之餘方恨無畫而幸有詩人之始悟詩中之有畫因作是記並錄其詩

重修香泉寺碑記

羅新邦 邑人

邑志八景列花園春色而無香泉印月汲新志譜入密渠柳浪而又以花園春色爲古八景之一然則是地爲風景蒼翠之區而益知寺之建立由來尚矣相

傳古廟一楹僅奉觀音一像嗣後雍正三年重修始
廓而爲三又增文殊普賢兩像而云鑲佛於中或云
卽溼海觀音迨乾隆壬午冷邑侯則砌泉爲池建印
月軒以及僧舍山門迄今百有餘年矣其門樓經補
葺至是而木腐瓦裂傾頽殊甚都人士瞻拜之餘往
往感慨係之矣癸巳秋復議重修而苦無布施會內
舊存銀二百三十六兩有零於是募化於城鄉內外
以及本村共得布施錢二百三十餘千文寺內有柏
四株共售錢四十七緡越明年甲午夏六月工竣其
基方向規模雖準往時而氣象閎闊工製精巧所謂
踵事增華較勝於前者矣猗歟休哉用費數百而人
不以爲侈役經歲月而人不以爲勞輸財捐金者踴
躍爭先而人不之吝豈非以是地爲一邑風景菁萃
之區而兼爲大衆鍾降祥之事也哉爰於落成之日
勒石作志以垂不朽

重修八蜡廟及祭貲生息記

李懷庚 邑令

凡祭有其舉之莫可廢也余攝篆廣香甫下車卽謁
拜 諸神爲民祈庥見所呈儀單未及 八蜡心竊

疑之閱旬餘任持以 神廟就傾請修葺之五月朔
親詣拈香見廟貌傾斜詢之歷年並無祭凡宰是邑
者或一瞻拜而已向於每歲三月間有鄉人醵錢爲
賽 神事兩邑菽麥豐登自賽廢而屢被虫傷近亦
少種者余竊思祭義有益於民者皆祭之考郊特牲
蜡之祭自伊耆氏始於歲十二月合聚萬物而索饗
之主先嗇而祭司嗇饗農及郵表畷禽獸仁之至義
之盡也祭坊及水庸事也及周禮春官籥章國祭蜡
則獻幽頌擊土鼓以息老物蓋古之君子使之必報
之則敬神之禮豈非務民之義哉余生平於諸淫祠
概不禮惟祀典所關時拳拳不忘也夫醵錢賽會誠
恐聚賭爲匪原不准復乃捐貲十千發商生息作春
祈秋報費復鳩工庀材使廟貌一新俾 神得所依
庶幾其有以庇吾民乎

續捐增廣香書院山長伙食碑記 德 俊

予查廣香書院自周公邦倚重建時籌有地租並二
郎壩場規共計錢一百零二千七百文歸入書院備
延山長束修聘金節儀及齋長禮書院夫工食外尚

餘錢二十四千有奇當年議作生童獎賞之需迨山長伙食無出亦終非久遠之謀今予復籌捐錢三千文詳明上臺立案發典八釐生息歲得息錢二千八百文合前項地租所餘每年共錢五十三千有奇除山長束修聘金節儀及齋長禮書院夫工食仍照舊規支取外將每年地租所餘及新收息錢酌定應用規條以垂永久庶乎教養兼備則禮樂由是乎興幾於刑措以副周公之深爲冀望若賢材而時出更予之所樂與觀成者也竊意山長應迥異地高明隨時訓迪緣山城苦瘠出息無多故於本邑擇其品學素著爲民望者由齋長及庠生其薦以爲掌教辰入酉出肄業者藉得師資若有官守者兼視齋課徒具其名實廢其實諸生之用功勤與惰又豈在異地高明之師哉學記云善學者師逸而功倍又從而庸之不善學者師勤而功半又從而怨之又進學解曰業精於勤荒於嬉行成於思毀於隨由是觀之山長之督課固不可不嚴而諸生之工夫更不可稍有間斷也

酌定規條

一山長每年修脯四十千文節儀六千文聘金四
 四千文照舊規支取外自道光十九年九月十
 五日起每月添送山長伙食錢三千文
 一官課每月設定獎賞錢一千五百文生員超等
 四百文特等每名三百文童生上卷每名一百
 五十文禮房送給山長轉發不得短少數目倘
 有不敷官為補捐

一禮房承應月課催取地租一切未便枵腹從事
 除舊有筆貲八千照舊支領每年添給四千文
 以資辦公道光十九年九月上漸記

續增賓興費碑記

德俊

粵稽劉公念兩邑科名之少由於庠多貧士所設賓
 興費甚盛舉也第以二百千文生息若干每遇科年
 人均給錢一千五百文竊意一勺之水豈能濟涸轍
 之魚故予於今科每人量給錢三千文雖較已往倍
 增然猶恐貧乏之士終裹足不前無由上進也予復
 添湊成三百千發典生息三年一科總計息錢可得

八十餘千議定每科以五十千爲率照人數之多寡
均勻分給庶幾有志進取者不爲盤費所拘至於所
餘三十餘千仍存典生息以備 恩科之用並中
式後會試之需則所以爲諸生計者可謂詳且悉也
自茲以往各宜努力以圖上進日就月將勿鹵莽而
滅裂專心致志勿有初而鮮終况有志者事竟成數
年內必有名題雁塔捷報泥金其人者斯不負劉公
苦心培植而予之多方諄勸也諸生共勉旃

序

安居羅候德政錄序

明李達 御史

天下治忽之故吏治司其半何也吏治汙隆關民生
休戚爲政者惟公與直庶幾舉之蓋公生惠直生廉
此管子語也先是格例二字湮沒才能英雄因之沮
氣者有之邇來仰見朝廷令甲破格用人清華之選
業見之啟事今而後真才能可彈冠起也按漢記如
荀朗陵者以儒術飭吏治守官多善狀而忠言直行
尤爲最著漢廷命史官籍其名爲朗陵侯相荀淑縣
令得稱侯相自朗陵始是忠直不負令令亦不負忠

直也不腆下邑向來烹鮮者視爲彈丸黑子可臥而
理舉一切城池錢穀與民間極疲極斃之處附爲國
然謂張之恐駭仍之似無害者獨不曰琴瑟不調取
而更張之乃可理耶噫蓋難言之矣乃者邀帝之眷
得借我侯臨蒞甫下車正直流寇入蜀萬戶皇皇侯
首議築城修武備肱敬心枯旣傳寇退卽以民生一
痛一疴抱爲喘息門以內霜雪以屬門以外春溫以
膏實心實政神君慈母之頌在在口碑邑人士身享
寧字耳而目之月而日之美蹟歌咏彙集成帙問序

於余余不佞謝不敏不可詩云民之秉彝好是懿德
不佞猶之蒸民也可無說而處於此因思平日與侯
晤言談及馬役之疲侯髮上指曰馬戶何居名曰和
募實勤報也鄉市等瘠強弱稍異奈何於強之漏而
弱之勒也苦心條陳劑之始無害又談及截糧侯亦
忿然曰收戶視十甲路人耳甲有逋記收何故焉前
法必之代稍逡巡譬如玷几手如蒲槌髀如折錫彼
逋者方箕踞意得甚是惠奸而仇良也奚忍卽痛禁
永著爲令其忠言直行如此大率侯爲人識練襟高

精神舉體守潔故法行心誠故動物龍泉之鋒試之一毛於蓂爾也乎何有此特其一斑者轉盼考成吾儕小民當不知如何淪浹也異日卓異飛騰首膺聖明殊遇不佞且拭目企之其復邑人士之索以此總之見秉彜之好有同然也夫

修新街文昌樓序

周顯志 邑人

巷曰新街別乎東西南北而言之蓋有望於維新之意焉前距東城門數武古有牌坊額題月路雲關言大而義微姑不暇深究第風雨傾頽至乾隆五十年

間創修

文昌樓閣以祈福佑以培地脈由茲巷居之人日衆亦媲美於大街矣然街石低昂行者嘆息於是重修不日功竣遂將輸金姓氏泐石焉是爲序

魚洞子小序

韓塘 邑人

東西坡之上流卽嘉陵江水也兩岸均係石山其上寬平可種地下有一孔名曰魚洞子洞口方圓只四五寸大有水流入嘉陵江河之高去江岸二丈有奇每逢穀雨前數日魚常躍出東西兩坡及左右庄村

以竹籠盛魚者不下數十人此徃彼來按次而盛晝夜不斷有一時擁擠而出純魚無水過穀雨亦仍止流水而已是誠南鄉一帶一大風景也不意嘉慶年間某庄有一風水魯姓者語其子曰吾歿汝當葬吾於魚洞山之上必獲大吉歿後子依其言葬之不幾日大凶每到過午卽在庄上大聲呼兒漸殃及庄內牲口人皆曰此犯喪也與其子遷棺改葬遂無影響魚洞子忽裂一縫約一指寬直至山頂而水亦於是涸焉且對面有一石如照壁形人呼爲照壁石水涸之後此石亦與爲傾頽十年以外魚洞之水始復流出至穀雨前魚出亦不若昔年之多對面之照壁石固終不可復覩矣亦誰知之而誰惜之

鎮北崖小序

韓塘

縣治之北有一山焉名曰鎮北崖在戚家溝距城十七八里拔地倚天形如錐立四圍皆松柏竹蘭蔚然深秀如海上三山可望而不可卽焉有好事者出其智巧傍崖懸掛兩梯遂登陟焉繼又修一間 眞武廟於其上乾隆年間有 三邑侯少君因探勝嘗至

其地見人有上崖者亦勉強登陟欲觀崖上之風景上未及二梯見梯動搖兩腿軟怯既不敢上亦不敢下不勝危懼乃急令一人上去緩緩扶之而下面如土色逾多時始如常焉其險也如此似乎登陟者十無一二矣迨嘉慶戊午夏仲避亂者竟無不聚族於其上或負或戴上下如履平地是果迫之而能然歟抑亦習慣之所致歟予於道光八年曾經其地見夫上是懸崖下是深溝一望魂銷寔言登陟乎卽蜀道難中所云天梯石棧相鈎連者其信然矣宜乎三少君之不敢卒登也而避亂者竟何以履險如夷也且羅閩齋先生又何以偕諸同志賦詩其上也是皆不可解也若我輩者則惟有望崖而返爾雖有佳境其不辜負者幾希

引

觀風引

胡之銑

鄉賓三物周官宏道藝之興士首四民漢世重賢良之選翰軒所採不聞遺於偏隅忠信之資決當有於下邑矧蒞官之伊始正籲俊之宜先兩當地控秦圻

邑標晉代尋源故道嘉名特著於水經摘景中途雅
句會傳於花驛大夫嶺上紅裊綬藤侍御宅邊青拖
袍草豈徒攬銀甕珠山之勝佇想物華抑亦蒼香泉
乳洞之精靈定鍾人傑際

盛

世作人之化更覺宮選士之年圭璧自搯詎光華之
可匿鷓鴣將奮必毛羽之先豐不展厥長曷覘爾素
茲本縣定於八月初九日就署扁試觀風或蓬島後
仙暫列諸生之籍或講堂清彥堪登童子之科至日
偕來拈題各製鸞鷲憂高崗之咏審在昌時琵琶流

遠水之音快逢名手多士盡據所蘊本縣將拔其尤

募修城中街衢及疏通水道引 莫榮新

蓋聞古者至冬乃役農事既畢土功其始此言修城
郭濬溝渠之宜及其時也况夫平治道途開通溝瀆
為有司之專責乎本縣承乏斯邑下車以來見城中
街衢石塊剥落居多商賈行旅礙難行走皆因東門
水渠壅塞所致每逢久雨往往浸淫為災因與補廳
李維壩悉心計議使水有所歸則道勿致壞值此務
開之際亟宜籌畫盡善先疏通而後補砌為一勞永

固之計通估工料之費非百金不可本縣首倡捐銀拾兩凡廛居之民旣在茲土咸食其息分宜共勦厥功量力捐貲知必踴躍從事情所樂輸也至於興工構料及收資發價等事並不假與書吏之手儘着公全保舉老誠練達一二人作爲董事晨夕切實監工幸毋草率是爲引

賦

君子亭賦

有序

秦正域

兄紫峰於署西構亭植蓮用漢法以君子顏其額而繫之銘云亭名君子池繞蓮花匪貪碧藕寧慕丹霞清漣自潔有美孔嘉誰同茂叔望古思遐因賦以廣其意

余維伯氏作令於廣鄉環山翠滴簾靜畫長綠莎廳西有園就荒香泉波貯鑑開一方載蒔蘭菖將下鴛鴦編茅結竹新亭古淡兮宛在水之中央於是亭旣告成凭闌環視霞落迴汀錦濯幽沚雅愛淨粧天然默參濂溪奧旨稽說命名顏曰君子迺倩毛穎聖帚會形欲飛欲白輕重不停余攬書而歌之曰昔知花

也作儒之鑒今知花也作官之型有客聞歌軒渠不
經爰懷體物以牖其靈若夫玲瓏七竅纏綿千絲有
本堪監惟踈與癡若穀植身如矢立影多室多曲可
發三省榮宜於水鮮本於泥以清處濁掾持何迷凍
雨豈驚畏日自好慣耐威烈堅貞是實輕挫翠扇緩
曳紅衣清風兩袖人也依稀亭亭花房的的湖自懿
夫厥名貪墨不復功入素問用出騷歌第一之要治
同則和重臺瑞麗覆幕閑雅景行風流願歸其下此
皆秀擷玉井華分鑑湖毓五沃之元氣象星列於天
都故足稱有息而爲仕之模客乃聳然聽矍然起長
揖而向余曰善哉人必蓮花而始君子也何以過柳
門登琴堂訪續之考察政之張惠以術市才以利揚
不必肖蓮花之君子亦歷見愷悌懸榜樂只建坊余
曰我之所狀君子之真爾之所疑君子之假聿茂叔
之微言曠千百世而同者寡感不絕於余心緬華萃
而傾寫於是客服而默余懷則悠樂滿塘之君子羌
致語以綢繆苟四序其有托庶芳名以不休願襲清
風兮九畹邀香韻兮羅浮尋髯叟以來岱嶽携此君

而問子猷斯皆秉君子之質凌波者與爲氣求不慕
富貴之植不甘隱逸之儔恍兮列箴銘於檻外用以
勵循良之孔修

文

祭城隍廟祈晴文

李懷庚

道光丙申攝篆廣香秋多淫雨乃虔齋爲文
以祭之祈 神默佑有頃風作翼日晴明非
敢謂誠足感 神但長民者不可無是心也
文本不欲存姑誌之以爲後之同志者勸

年月日署兩當縣知縣李懷庚爲淫雨傷禾祈晴於
本邑 城隍之神前日聞之祭義有益於民者皆
祭之爲其與利除害扞災救患於冥冥之中故靈之
曰神夫所貴乎神者以其能福吾民也以其能佑吾
民也而况 城隍之神尤有地方之責以奠此土之
民於衽席之安者也兩邑緣去歲淫雨彌旬大傷禾
稼以致民食不給道殣相望樹皮草根搜索殆盡愁
慘之氣號啼之聲真有目不忍見耳不忍聞者矣一
之爲甚其可再乎今歲春夏幸雨水調勻禾苗滋長

秋成有望乃不意復蹈前轍豈民之遭劫有以使然歟抑地方官貪酷以致天譴歟古者孟嘗為守合浦珠還鄭宏作牧隨車膏降以及風反火滅蝗飛虎渡皆循吏之徵民受其福竊維兩邑民困已極如今自作孽即宜自受倘有殃咎祈加庚身毋損民天致有不復聊生之嘆使民獲豐登極加庚罰決不怨悔方今聖天子祀典特隆亦祈雨暘時若蒼赤飽暖用荅神貺耳况神赫赫鑒臨此土原有為民請命之責祈哀籲上帝俾雲收霧捲風散日曠

庶禾黍油油既堅既好實穎實粟以仰荅聖天子欽崇之意慰眾黎元愛戴之誠紆守土者焦勞之念是所切禱伏惟尚饗

贊

黃烈女贊

張溥 邑人

黃女二八正氣是司勇誓公醜血膏鷗鶉蘭芳雖折玉潔無虧烈哉巾幗駕我鬚眉

補遺

重修關帝廟大殿獻殿寢宮暨左廂龍神祠右廂火

神祠碑記

韓塘 邑人

關聖帝君者護國裕民誠當今一大福神也廟在西街由來已久自乾隆三十年間重修於今七十餘年載攷前模非不塗金聖繡奄觀遺跡幾成圯宇頽垣况

帝君之於

聖朝驅逆伏魔既屢顯夫神力而

聖朝之於

帝君忠義仁勇亦迭封以嘉名春秋崇祀於斯朔望焚香於斯卽邑之客商里民求其保佑財源者亦無不於斯是

帝君廟之在城中更非在鄉鎮者比也兼之左廂

龍神祠右廂 火神祠皆爲風雨消蝕若不及時修理甚非所以荅神庥也爰集四街會首並各行中商議急爲修理幸喜善男信女無不皈依金錢長物不惜銖兩百千施舍福田無問客商士庶或捐涓流於巨海或分升斗於太倉各種善因共襄盛業募化得一千數百餘金修大殿五間獻殿五間寢宮三間規

模視舊日稍濶雕刻比昔時極細於丙戌二月興工
丁亥九月告竣此一舉也神人胥悅則自茲以往有
不受福無疆者乎是爲記

重修大夫山 奎星閣序 張垞

大夫山者邑中之勝地也曾建

奎星高樓於其上列司祿之眞形安

文昌之法座平臨山色千重翠黛映斜陽俯瞰水光
一帶清流凝白練誠兩邑一大文明象也然莫爲之
後雖盛弗傳自嘉慶初年補葺迄今三十餘年

神像樓板俱已傾頽僅畱牆壁觀之實爲不雅已亥
冬在州歲試與閤學諸友商議重爲補修無不首肯
意願遂通告於四鄉庶成功於一旦待擇佳辰高升
畫棟林烟廓霧攬無窮之勝景於河山戶詠廬絃收
有象之歌吟於樓閣從茲人文蔚起瑞兆重開不必
聚螢千點豈難窺豹一斑願有志者共襄厥事於庚
子三月下浣興工仲夏上旬告厥功成是爲序

白髮居西蜀。清名震大邦。
忠心如皎日。浩氣捲長江。
寧可斷頭死。安能屈膝降。
卅年老將。天下更五雙。
倒挂城門奉諫章。拚將一死報劉璋。
黃摧折齒終降備。矢節何如玉累相。

兩當縣新志卷之十二

詩

兩當縣吳十侍御江上宅

唐杜甫

寒城朝煙淡。山谷落葉赤。陰風千里來。吹汝江上宅。
鷓鴣號枉渚。日色傍阡陌。借問持斧翁。幾年長沙客。
哀哀失木狖。矯矯避弓鬪。亦知故鄉樂。未敢思宿昔。
昔在鳳翔都。共通金閨籍。天子猶蒙塵。東郊暗長戟。
兵家忌間諜。此輩常接跡。臺中領舉劾。君必慎剖析。
不忍殺無辜。所以分黑白。上官權許與。失意見遷斥。

朝廷非不知閉口休嘆息仲尼甘旅人向子識損益
余時忝諍臣丹陛竇咫尺相看受狼狽至死難塞責
行邁心多違出門無與適於公負明義惆悵頭更白
嘉陵江
薛逢

借問嘉陵江水湄百川東去爾安之但教清淺源流
在天路朝宗會有期
題黃花驛
薛逢

孤戍迢迢蜀路長鳥鳴山館客思鄉更看絕頂烟霞
外數樹巖花照夕陽
嘉陵江
羅鄴

嘉陵南岸雨初收江似秋風不煞流此地終朝有行
客無人一爲棹扁舟
宿嘉陵館樓
雍陶

離思茫茫正值秋每因風景却生愁今宵難作刀州
夢月色江聲共一樓
雪夜感舊
宋陸游

耕桑綠沉金鎖俱塵委雪灑寒燈淚數行

登真洞

魯

闕名政和二
年提舉秦鳳

三千行滿未駮鸞閑臥空山不記年雲鎖洞門清扣
玉石流甘液冷飛泉青驢去踏紅塵裏白雀來歸玉
柱前試看高真棲隱處此中疑是蔚藍天

前題

王

俞縣令

偶因公事便仙島亦追遊鸞鷲名猶在丹砂事已休
雷聲驚石鼓瓊乳迸靈湫便覺塵凡迥超然物外儔

前題

劉景文

鸞鷲山前古洞深蒼崖老木共陰森遊人看取溪中
水只此無塵是道心

前題

明馬在田

邑令

洞口煙霞五色文洞深一竇香難分桃花亂落澗中
水芝草自生岩畔雲去去白驢何日返寥寥石鼓幾
回聞誰人傳得長生術我欲相從一問君

其二

先生只說朝元去一入天台路不還故竈空餘烟洞
在真丹不與世間傳春風笑傲鶯花界雲水道遙蕩

灋天仙去仙來人不識江湖朝市總超然

署中作

國朝 侯聚貴 邑令

四面層巒鳥道斜平川一區作官衙周圍城郭方三里寥落人民祇數家堪洗塵心惟飲水不憂餒腹足浪霞催科無擾公堂靜閒坐荒齋數暮鴉

兩當九日

田爾易 邑令

重陽散步上東臯雲破天開興倍豪元武臺前來霽色嘉陵江畔起秋濤平川五里風光好背郭千巘氣象高紅葉青苗盡是瑞微吟淺酌自囂囂

賓興作

田爾易

聖朝開大化多士萃西京三載工良苦一鳴人自驚昇仙雲裏渡折桂月中行漫怯棘闈戰英雄到處生推順天通守將行作 田爾易

雨歇憑欄望荷珠碎復圓風清神頓爽雲破月高懸扶杖踏花影臨池聽水潺居停能幾日杯酒暫流連和 田 邑 侯 憂 早 張 溥

蕭蕭秋夜永伏枕聽蛩吟响徹三更月愁縈五漏心省愆疑政闕憂早望雲深安得甘霖降淳然土變金

呈荆邑侯

張溥

重歌召杜與龔黃復爾儀型著廣鄉此際肝腸天日
矢他年耳目 殿廷揚虛懷養士如時雨嚴法懲奸
似曉霜從此聲名將遠震竚看鳴鳳立高岡

呈甘別駕兼攝兩當縣事

張溥

文章政事兩翩翩百里春風推大賢家學淵源傳治
譜分符民社示蒲鞭庭餘花鳥供詩料性僻琴書廢
俸錢棠蔭聽歌碑在口 綸音拭目下天邊

兩當縣端午

沈榮昌 華昌
太守

細草如絲小劍蒲巧將松葉縛桃符諸峰拱立感嘗
戶百卉羣飛繞客厨麥獻新畬糝作玉酒來浮蟻綠
成珠山神應咲公何遽倚馬成吟又速驅

兩當縣八景

鸞鷲仙山

秦武域

聞說仙翁有舊壇參差玉筍鳳笙攢千年鶴影青山
寂萬樹松陰白日寒雨溜新苔鳴石鼓雲封古鼎護
金丹人間寥寥何爲者一嘯孤峰大地寬

琵琶秋水

秦武域

嘉陵江上起繩聲洲泛琵琶水欲平浪疊鱗皴風細
細波明珠點雨盈盈連山榭葉紅霞迥亞岸蘆花白
雪輕所謂伊人懷宛在題詩字時不勝情

天門鎖雲

秦武域

天門嶺岸望中分疊嶂紛披五色雲香惹九重煙
鑿鑿瑞浮雙闕氣氤氳高吞日月中央見橫走雷霆下
界聞我欲狂謔駭白鹿凌空上叩玉宸君

乳洞飛雨

秦武域

乳窟谿笏仄徑斜雲屯複岫雨飛花霏芝沍露秀朱
實仙嵐凌風翻白鷗疑是仇池通小有阿誰石壁寫
槎牙劫來最愛龍湫碧願化甘霖灑萬家

崑渠柳浪

秦武域

新渠碧水瀉玻璃翠浪風流東復西柳葉一灣迷灞
岸桃花三月認蘇堤拖紅乳燕飛飛舞織軟嬌鶯恰
恰啼是處春圖工點綴斜陽芳草酒帘低

故道松濤

秦武域

萬株晴靄綠雲濃故道山頭平里松父老謾誇存漢
壘大夫湏憶有秦封風飈乍拂濤聲壯月影微穿暝

色重久矣歲寒無改色清泉石上結幽蹤

鏡峯捧日

秦武域

煜爛曦光射翠微玲瓏忽透有圓暉雲間合璧鏡初
托天上重輪花作園丹鳳棲時春樹曉山鷄舞罷彩
霞飛試看仙掌高擎處何事魯陽戈一揮

香泉印月

秦武域

皓月飛輪碾碧天澄輝流影入香泉菱花古鏡鎔銀
液桂樹新圖暈紫煙莫訝素娥臨水照還疑神女弄
珠圓誰人解奏重光曲應許抽毫命仲宣

皆山堂記即目四首

秦武域

靜裡閒庭好閒情覓句中晴護金匱匣風篠玉玲瓏
心跡希園窳行藏任塞翁官貧翻可樂到此庶豪雄

其二

偏饒蕭酒趣守拙是甘貧竹雨琴齋客荷風畫舫人
詩情來酒助茶興得書親慚愧雙丸過偷閒不負身

其三

一身中隱士莫復認官衙半列雲山館平分水竹家
桃名含的皜瓜號木杈枒欲話會心處悠然我思遐

其四

卽日多真意忘言每自知垂楊爭入畫幽鳥慣催詩
帶蜀襟秦地和風甘雨時鶯鶯歌復咏饋粥幸於斯

香泉寺

秦武域

數椽畱古刹一鑿躍香泉秋月涵佳麗春山卷秀妍
題詩鐫竹粉煮茗瀉松煙愧我風塵吏偶來偏洒然

羅園梅花二首

秦武域

二月春風翦翦催梅花纔作五分開堪憐寂寞荒園
裏猶有冷官偏看來

杏花時節好春光一樹紅梅艷雪香畢竟北人還識
得殷勤索笑不禁狂

山城

秦武域

山城五月最悠然柳漲濃雲幕綠天佳日春秋一時
並早聽鶯語暮聽蟬

縣居詩

並序

秦武域

唐姚合令武功時吟縣居詩寄托閒雅消盡
俗吏氣味宋張及王頤爲令皆刻石置縣署
中余雅慕之暇日聊爲效顰而志趨卑陋視

古人高曠心胸萬不及一至於詞句謏劣更
不足道也

作吏兩當縣環山翠靄中才疎無遠志地僻有淳風
漉酒沽新碧澆花惜舊紅漫言成臥理猶喜屢年豐

其二

邑小真藏拙民安路不衝牛羊青草地松竹白雲峰
懸榻思延客輕騎自勸農敬肅公事了聊復得從容

其三

守土成匏繫憐余四十餘可欣尊有酒不嘆食無魚

棋局沾朱墨琴囊屣簿書從他笑迂闊此念覺如如

其四

到眼芊眠綠庭莎忽上堦春山憐世味秋水澹人懷
板屋千餘戶繩牀一小齋不妨開笑口知有命安排

其五

漫說因貧仕端憐厚祿存寧忘陶潛食愧少向平婚
樵唱聽山縣漁歌憶水邨逼真成吏隱盡日念居恩

其六

故人多衮衮似我敢偷安羞說栽桃李偏宜莖蕙蘭

句綠花好覓琴趁月明彈憑向京華
寂寞蕭然一冷官
其七

非關肉食鄙自樂菜根香愛客開茶宴
食罷拂石牀
歸雲隨意嬾倦鳥笑人忙不作還家計
可憐松菊荒
其八

宦况應知足竭來頗自由聽泉尋野寺
問月上城樓
蓑雨爭呼鴨笛風閒飯牛逢人嫌吏俗
俗吏亦風流
遇虎仿陸渾山火體用其韻 秦武域

天水東南萬山屯盤紆第鬱紛吐吞攢
藜竹樹崩吸
蒼齧石陰泉瀉瀉浚熊猪狐鹿麝欬猿
鷹鴟鴉鳩雉
鷄鷄獨有雕虎猛且繁鏡縣雙睛電飛
暖咆哮鞭尾
舌腭反腥風撼樹驚谷原白日攫人洞
腥髻磨牙吮
血何軒軒我來攝官心轉煩兩當山城
市頹垣夜中
入市留爪痕跳踔彼猖不由門往聞窮
黎失其豚時
值太陰頰和暄復月三日麗朝暎走謁
上官盤屋垠
徒勞僕輿摩肩跟歸道纔半天乍昏黯
慘雲黑衆目
簪縛竹出火聊相燔赫赤上照吹幾番
截壑豁訝山
蜿蜿躡步遙遙簸箕灣歛起叱咤籃盞
掀柱傾軸折

顛乾坤毛髮忽立霹靂喧亟命之前審何冤草摧石
崩有虎蹲閃爍燎光露其元元黃般般吹續縉轉身
颯爽走山根任汝聲撼豈驚犇知是畏火不得窩棘
足蟬縮孰可援不然亦當識卑尊我聞急語尋藏存
因躡丁屋斥堠墩讐怖相慶返其魂夢訴上帝通於
闕詔遣猛士獲育賁左彎繁弱右櫜鞬一發飲羽血
鮮歎裂胃潰腦鐵厥羣啁啾絲管咽篋瑱甃玫瑰
錯繡帶熬捶脰胸着臉膳重以五鼎羅六鑄承清山
嶽拜帝恩座客笑酬爲余言仁及飛走獸自馴泰山
之婦哭何因修德不必心如焚嗟余作詩欲誰論弘
農九江不可捫

羅園

秦武域

羅家園子古時開四面雲山供眼來爲愛當年風物
在一株秋桂一株梅

登東山望縣治

屠文焯

拾盡蒼崖級憑高望眼奢四山環淺翠一水漾平沙
村落踈還小城門曲復斜尚欣風近古只解種桑麻

鸞鷲仙山

屠文焯

青崖百尺削成峯，疊巖危巒繞幾重。一自仙鸞歸去後，丹砂空有白雲封。

琵琶秋水

屠文焯

秋江萬頃勢瀾漫，露帶風荷瑟瑟寒。怪煞岩前一片石，不聞商婦月中彈。

天門鎖雲

屠文焯

盤紆躋蹬望天門，開闢全無斧鑿痕。柱笏忽驚崖半落，白烟如雨隔林昏。

乳洞飛雨

屠文焯

山色模糊雨欲飛，懸岩石乳望依稀。我來六月方盈暑，早有新涼生翠微。

密渠柳浪

屠文焯

拂空匝地幾千絲，絕似西泠橋畔枝。翠帶欲眠鶯語滑，一渠春水綠差差。

故道松濤

屠文焯

故道蕭蕭故壘平，松濤十里壯秋聲。黃雲一自飛揚後，霸畧猶雄草木兵。

鏡峯捧日

屠文焯

兩宮鼎新志 卷之三
一拳瑩似玉壺空旭日升時相映紅遠近人家幾茅
屋曉來都在赤城中

香泉印月

屠文焯

一泓止水碧光浮明月多情照更幽天上人間兩輪
鏡十分圓足十分秋

香泉寺

秦正域

自入故道川蘭若頗目騁園門天地籟負壑陰陽境
鵝鴨識水溫松柏忘山冷無人埽瓦礫香巖記大省

琵琶洲

秦正域

獲索六么奏滿川調同鐵撥響天然笑聽流水才思
少不使伯牙譜七絃

登真洞

秦正域

洞穿鸞鷲嶺屏列嵐光好解聽山水音不必問果老
君子亭

劉篤恭

雅愛濂溪趣翛然構此亭羨君心湛潔笑我眼偏青
葉捲隨風舞花開帶露馨高吟欣有酒誰復計飄零

鸞鷲仙山

羅暉

鸞鷲名山秀色奢奇如削就帶晴霞嵐光遠映浮天

際瑞氣全瞻出嶺涯丹穴何年舒彩鳳靈芝幾度吐
仙葩今朝欣際文明會五色雲呈自不差

天門鎖雲

羅 暉

闐闐曾闚覲九天丹崖誰關向霄懸月扉自是神工
就仙窟寧教斧鑿穿出岫無心雲半掩栖霞有路鳥
羣還千尋仰面頻搔首呼吸疑通帝座邊

乳洞飛雨

羅 暉

層巒曲洞氣氤氳靈應何憂旱魃焚湫水能滋干畝
潤封碑永勒萬年勲洞中有唐封乳洞龍王碑松峯乍吐陰晴異

石乳高懸燥濕分

洞中石乳將雨先濕

歲歲秋成全待雨蒼生

從此盡瞻雲

鏡峯捧日

石鏡峯在果老洞鸞鷲山前

羅 暉

石峯如鏡望中奇最是朝曦初照時仙洞遙連五色
滿丹山斜映九光披鳥飛欲避疑天近雲過還明似
管窺千古常懸佳景在遙瞻多恐異晴曦

果老遺跡

羅 暉

古洞餘仙跡空名只是浮砮聲山久寂碁局嶺徒留
爛斧失柯影殘碑沒記遊往來行道路瞻眺幾時休

興隆嶺 即興隆觀地在東三十里永和庄前 羅 暉

飛來何處嶺平地聳奇觀數仞羣山拱叢林一水蟠如屏村外列似帳眼前看特為永和里天生此秀巒

借諸同志登鎮北岩 羅 暉

幸有丹梯引懸崖試一登千尋忽直上四面若無憑玉柱清霄接金莖湛露承俗塵飛不到吾輩喜同升

品字泉汲水 在東山根 羅 暉

天旱羣憂井水乾迢迢遠汲出城前猶然直過大河去隔岸挈擔品字泉

觀屠少府園成 羅 暉

風敲牕外竹初移鑿出清光月一池補種河陽春滿徑分栽彭澤樹成枝公餘料理園存政吟罷安排景以詩贏得閒情供樂趣花香鳥語解畱時

紀禱雨 五月十三日至六月二十三日乃雨 羅 暉

蕩蕩皇天本自仁由來疾苦鑿斯民應憐九夏炎如火時雨愆期已四旬

倏爾晴雲變雨雲不煩雷電自氤氳是誰調燮陰陽氣禾黍榮枯一夜分

香泉寺

羅暉

多載談經寺上來，泉邊盡日少塵埃。
人於活水源頭坐，花在讀書聲裏開。
滿架薔薇攀古樹，臨池萱草護新苔。
風光引得文心艷，看取羣芳入雋才。

郊行喜雨

宋樹穀 邑令

爲咨疾苦駕輕篋，郭北郊西度陌阡。
正共農情愁涸轍，恰逢山雨潤枯田。
此時點滴皆珠似，轉眼原疇儼繡然。
知己歡聲動苑屋，老夫笠屐不須傳。

初夏郊行

宋樹穀

初夏郊行景物妍，家家綠樹映門前。
風來衣上冷然善，花發溪邊弱可憐。
千曲渠流懷古制，連村歌舞賽神筵。
眼看菽麥垂垂熟，又是人間快活年。

山中除夕

宋樹穀

徑僻行旅稀，林深鳥影絕。
一鞭犯寒來，得屋良可悅。
俄聞爆竹聲，恍悟歲除日。
回首念平生，喧寂徧所歷。
何如此際清，獨坐山牕雪。

中秋夜枕上口占一絕

宋樹穀

霧暗雲沉欲雨天，官齋寂寥且高眠。
無端忽夢西湖

路桂子香穠月正圓

春日郊行

宋樹穀

綠水青山到處逢杏花偏映白頭穠寄聲婦子休迴避我亦西湖一老農

癸未夏畱別同學諸友

李佩玉

峩峩大夫峯淼淼嘉陵水靈秀鍾山川人文看蔚起暮年作冷官一命榮珂里匏繫十五秋八秩在伊邇朋輩賓仙多鄰兒婚且子擬駕柴車歸餘年終桑梓微官復改遷

彤廷來勅旨行當之平涼卯酉從此始薰風拂征衣畱別情難已相望隔河關有懷托鴻鯉

予去冬因公事適鄉二三父老欣然迎迓予詢及民間事歷舉以告頗相投合斯時予方欲多與語奈日已沉西予不能久畱臨別時皆有畱戀不舍之致及回署耿耿於心茲屆筵篆之期吟七言律四首以誌前情願與諸君共質之云一笑

黃凱邑令

不負 君恩不負親眼前爲宰舊爲民曾經騎竹歡
迎道忍使編茅怨集身術短種花休縣小歸餘擔鶴
識家貧頗饒父老臨行淚洒向郊原草木春

淚洒郊原草木春一番送別一傷神人間歲月輸阿
嬰嶺外風霜老使君歸鳥辭巢猶戀舊村兒編竹意
迎新本期細話桑麻事幾樹斜陽襯遠津

斜陽幾樹促征人臨別叮嚀記使君第一要言須忍
氣無多生產只安貧短檠挑向三更月小犢呼殘四
野春城市鄉村均一律好教 盛世作良民

太平但願作良民我去難留此一身送客山川依舊
樣惱人花柳最新春暮雲遠隔相思夢旅雁時傳只
話真寄語鄉村休戀戀須知杜母有來人

文壁峯

韓塘 邑人

巽峯已具文明象加以人工更顯然萬壘嶙峋根拔
地千層聳峙頂摩天人文肇啟從今日甲第重開不
計年寄語諸生多勉力名題雁塔仰前賢

春日遊嘉陵江

張垌 邑人

嘉陵江水綠春中繞郭環山曲曲通湖探細流來隴

石源發隴州之右

載浮巨艦下川東

下流入嶽縣白水江即可泛舟順流至四川重

慶桃明石鏡臨朝日柳拂香泉動晚風更上紅崖還
徙倚忘歸自得與無窮

登果老洞懷古

張垆

鸞鷲山邊洞邃深撥雲捫葛特來尋當年誰見畱丹
訣今日吾思得道心汞鍊先天形自解神遊此地俗
難侵飄然演法騎驢去酒湧明皇榼化金

臨別示父老

劉詩邑令

緝綬孤城近十春瓜期屢及去來頻心勞父老送迎
憤眼看兒童長大真耕鑿謀生俗仍舊詩書澤土化
維新官民習處情長繫瘠土人嫌我自親

山氓十室九憂貧旱澇何堪復荐臻哀籲聲多成阻
祝生全策盡費精神宰無芻牧難為宰民急飢寒不
怨民縱令輕徭徒小補寬刑漫道即施仁

屈指

恩綸出

紫宸銀州道又策征輪雖無惠政為遺愛且把仁言
解勸人士首廉隅惟有恥民懷法律保其身諄諄臨

別須聽我誥誠應知本至真

任廣香次李笏山少府見贈韻

莫榮新 邑令

長安詩夢醒勉作隴中遊晚景風塵俗前身本鐸遭
艱難唾製錦惆悵賦登樓相對黃華驛評量春復秋
衙齋卽景次李少府韻

莫榮新

曉起當門立看山憶永嘉禁烟蒸黛綠衰鬢受風斜
穀布還宜雨蓮栽未茁芽相携朝命酒莫負此韶華
天和節喜雨

莫榮新

春事半闌珊攜琴花下彈農忙無訟聽鶴病有松餐
亂落桃千樹橫陳竹數竿賞心逢好雨催放牡丹看
廳事前牡丹一本發蕊十二春寒未放詩以催
之

莫榮新

料峭春風刺絳紗雲鬟強半尚垂鴉羽書闌動蜂王
國金剪磨穿燕子家七字非關求富貴一盃聊爲酬
東華祇因未放無人問畧綴微詞當鼓撻

代花會韻

莫榮新

浪說花開壓衆芳感君擊鉢賦催教一時名士爭簪
筆能幾良宵可命觴爲怯春陰畱秘府怕隨雲雨夢

高唐待看廿四番風過 冶袖翩翩舞玉堂

牡丹盛開邀同人花下小飲 莫榮新

年來無計暢吟哦 又寫閑情到綺羅 一捻輕紅翻畫本 六朝金粉擁弦歌 人能知足方無辱 花總馳名豈在多 綽有餘妍供翫賞 雕闌十二競婀娜

休論國色與天香 喜得開尊日漸長 細雨輕風勤護惜 錦茵銀燭畧鋪張 逢迎富貴無高士 交代繁華有

夕陽看到子孫余 幸可羅鄴牡丹詩有看到子孫能幾家句今隨任者一子一孫

故謝天公為費平章

冬日栗子坪道中遇雪 莫榮新

曉發太陽寺午停栗子坪 凍泉疑雪積亂石助灘鳴 潔白同人性崎嶇 悟世情牧民無妙術何以慰平生 出門惟鳥道高下費躊躇 鷓退飛差似猱升木不如 魂銷千仞壁命寄一肩輿 時憶山陰道扁舟訪戴初

小雪後一日喜雪 莫榮新

連朝六出降迷漫 忍凍徘徊獨倚欄 欣賞人皆沾酒 飲抗懷我欲引琴彈 麥苗根實催科易 鴻雁聲哀撫 字難憂樂同 民誰絕代羊裘不比一蓑單

封篆卽事

莫棨新

官閣晨封篆寢興意自如夢酣高枕穩樽劇夜牕虛
息蜡庭張樂秦俗向例於封篆日起公庭晨夕鼓吹蓋寓吹幽息蜡意焉銷閑吏
乞書公餘無限好只是歲將除

廣香署留別

莫棨新

孤城三里擁羣峯樹色嵐光積翠重喜占山阿風不
競漫嫌土瘠露常濃是皆世業勤耕讀半雜荆川擾
趁傭能使客民除暴氣廣香比戶盡堪封

綆汲綢繆力盡殫於今甫洵割雞難雨暘賴得晴
若雀鼠平於猛濟寬曠職殊慙無善政捫心不忤有
餘歡人言出谷遷喬去多恐邊郵風味酸

留別笏山少府

莫棨新

感君晨夕傾心交聚散無端影幻泡珍重哦松勤簿
領署額題有哦松二字綢繆聽雨事推敲離羣客效鸞求友少府
意亦欲調口出塞人同燕去巢一度春風良會近酒仙樓
晉昌署傍有酒仙樓一座與對醇醪

香泉寺送張崑圃學博歸省

莫棨新

策蹇賦歸去晨昏奉自娛鶯花三月暮詩禮一庭趨

不用歌黃鳥誰能繫白駒香泉同河酌攀桂漫相須

閱兩當縣志

莫榮新

彈丸叢爾古如茲善政流風係我思江上懷人工部

賦杜工部有兩當縣賦雪中感舊放翁詩陸放翁雪夜感舊詩

宿兩當句有疊道兵燹遺民少流寇疊次焚掠幾絕人烟欲廣傳

聞討論遲余擬修輯之而奉調出口有志未逮寄語有心修輯者武功

靈壽兩堪師王阮亭先生閱天下郡縣志惟康武功陸靈壽二志體例精嚴足以正人心而

厚風俗

奉和兩當縣舊志八景原韻

李偉觀

鸞鷲仙山

狀似靈禽耀上壇神功聳立遠峯攢梵音響處朝暉

靜鳳韻傳來夜月寒最愛清風吹露白應憐仙掌落

霞丹牕前岫列鳴鶯晚繪盡圖工點綴寬

琵琶秋水

江聲流亮應商聲響激蒹葭秋色平烟籠嘉陵風瑟

瑟月明枉渚水盈盈曲成垂手推而引槽瀉清音汎

且輕不是琵琶訴幽怨淵泉漱石本無情

天門鎖雲

遙空對峙兩平分宛鑿天門出岫雲觸石騰霄通戶
牖從龍遮道布氛氳雙峯並鎖開屏帳五色齊呈豁
見聞更喜振衣來絕頂丹梯接引荅神君

乳洞飛雨

嵌巖乳洞峪流斜閣淨山空雨作花幽點濺身尋丙
穴頑童拍手趕辰鴉渾忘露冷飛涓滴錯認珠垂礪
齒牙怪底烟霞迷曲徑多多變化利人家

窑渠柳浪

官渠雁齒照玻瓈柳浪翻東影復西忽起忽眠滋嫩
葉將離將返映長堤細腰曾向章臺舞乳燕還從漢
苑啼當此野橋春水漲夕陽懸掛倒楊低

故道松濤

曾種龍鱗寄興濃今尋故道見長松濤聲不絕連天
捲日色常清特地封鐘聽寒山秋半夜霜鳴野寺嶺
千重停鞭閒眺青峯冷還問樵童覓舊踪

石鏡峯日

黃人守日妙精微碧落磨空石鏡暉嶺上光明雲作
護峯頭朗耀虹爲圍輪開瑪瑙山前掛鳥對玻璃戶

外飛奚必範金成寶鑑靜中生象絕塵揮

香泉印月

重輪皓魄麗中天恰是清光印及泉香入龍淵承沆
濯波涵蟾窟掃雲烟幾枝桂馥金盆滿一顆珠明玉
鏡圓坐對寒潭秋月下流川敦化妙難宣

弔王錫仁

韓 堦 邑人

只道吾徒能讀書誰知正氣更堪予一朝罵賊冒鋒
刃千載傳名衆不如

烈性誰如王氏子一番贊歎一傷情干戈已定志申

報後世徒留月旦評

王錫仁與徽縣東鄉廩生王伯瑚號龍文同日

罵賊而死彼蒙 旌表此奉報官感而爲古

風一首

韓 壇 邑人

賊到西南路殺人亦無數惟有王錫仁卽死夫何懼
詈罵不絕聲激起強梁怒刀劍刺心窩倏爾肝腸露
今已幾經年英雄氣誰吐君不見龍文先生亦同然
於今崇祀列鄉賢兩當徽縣本相連一事懸絕如天
淵若論當日盡節志豈分誰後與誰先

香泉印月 并序

李維壙

香泉寺在城北郭里許背山建佛殿三楹庭
 中甃石爲方池泉從佛座下引出水不滿尺
 冬夏無漲涸中有雙魚池東列小軒額曰印
 月予秋夜接長官至此見水月交輝清澈懷
 抱遂題一律紀勝其餘七景因未遊覽不敢

懸擬爾

涓滴泉從佛座流偏宜涵養一輪秋神遺寶鏡江心
 鑄手掬銀蟾水面浮出定僧常依石甃忘機魚不避
 金鈎我來徒倚軒窗迴暫洗塵纓當沐休

登兩當城眺望

李維壙

亂山環繞古當州鳥道盤旋接廢邱北顧隴秦雲岫
 疊南通巴蜀水源流荒坡新墾堪驅犢老樹無存盡
 作猴土人伐木爲柴名曰三載深慙支月俸因民進
猴順流至巴漢間議濬城溝

晨起卽事

李維壙

侵晨入小圃物我自清嘉花挾蜂鬪重泥啣燕嘴斜
 循畦收菜甲遶樹探椿芽延佇渾無語澄心鑑井華

小寒食雨再用前韻

李維壻

天際陰雲合知時雨可嘉
點輕滋土王絲細織簾斜
柳褪黃金色筍抽碧玉芽
春風餘幾日麥穗盡揚華

和水樵大尹天和節喜雨韻

李維壻

天意人難料陰晴指一彈
釀花寒作雨退食喜加餐
錫管聲何處酒旂風滿竿
今朝澤下尺黎庶慰相看

清明祭厲壇值雨

李維壻

長跼思 皇德祀孤曲體情疆分荒服外禮遣有
司行依草恐成崇談經度化生紙錢灰不起微雨灑

清明

和水樵大尹牡丹一本發蕊十二春寒未放詩

以催之原韻

李維壻

金釵十二隔窗紗春睡方酣露鬢鴉
嬌態難扶妃子醉芳魂未返韋娘家
一庭陰藹窺天意半面羞藏感物華
無可奈何春欲暮六么豈待美人搗

再和代花答韻

李維壻

含笑東風體自芳未經穀雨嬾梳粧
君因憐我裁詩句我却遲君引酒觴
名重永嘉逢謝客籠承天寶說

兩當縣志 卷之十三
皇唐令公今日加青眼香散琴聲滿畫堂

香泉寺送張崑圃廣文歸省 李維壻

秦隴雲山壯相看近半年來時梅幾點歸路柳三眠
益友情殊洽思親意藹然河梁攜手處別味品香泉

祈雨 李維壻

偶旱四民愁推誠共禱求天心絕雨脚谷口斂雲頭
望切助苗長念茲生齒稠何當霖降賜方解我殷憂

和水樵大尹九日招楊序東沈丹輪吳厚田諸

君飲於居有竹二首原韻 李維壻

九日常逢風雨迷倦登高豈怕塗泥琴堂小集情無
限酒盞頻傾首易低白雁穿雲天外思玄蟬吸露樹
間啼佩萸簪菊微嘉會寮佐追陪笑倩兮

客鬢雖然見二毛吟秋今日興偏豪思尊不得誇羊

酪識栗還應賜棗糕居處同參君子臭山光更仰大

夫高居有竹面荒城幽僻堪容止嬾問監州與蟹螯

夜雨遣懷用前韻 李維壻

才聽更柝睡魔迷颯沓垂簷水濺泥麥地新芽滋土

潤菜畦蠹葉濕陰低守囚幸報三年最連年獄囚無故蒙邀紀錄

促織頻驚九月啼不怕朔朝風露冷做裘予又改爲
吟

贈楊序東廣文兼課廣香書院 李維壻

泮宮弟子雁行斜藝圃新翻別樣花閉戶下帷儼似

董囊螢照讀勝於車三鱸夙兆勤司鐸八法旁通悟

畫沙

序東善書法

後進熙熙登大雅流觀經笥集諸家

和水樵大令小雪後一日喜雪 李維壻

鷺毛眩耀勢漫漫官閣俄裝白玉欄汁和龍團脾更

沁花凝鶴筆指輕彈農夫胥慶明年稔旅客方歌行

路難

憶馬景本分司赴滇省途次

我自高眠深閉戶長吟擁被怯

衣單

和水樵大尹封篆卽事原韻 李維壻

試看官職印封始晏如息勞年有例撫字日無虛

正臘神修饗宜春帖自書典隆休沐假拜舞下堦除

和水樵大尹廳事前牡丹盛開招飲適值蘇東

坡從遊吉祥寺觀花日原韻 李維壻

蘇公從賞吉祥寺今我叨陪幕下羅快對名花拚酒

醉更徵賢主好詩歌香穠座上春風滿光怪庭前綠

葉多莫把芳時輕易過推誠撫字近朝那

送劉廣文歸涇州

李維壻

瓜熟歸期逼翻身自整鞍九旬徵豹變權任三月交代六月

息鵬搏涇水新秋淨磻溪爽氣寬令人畱不住漫把

一尊乾

和水樵大尹畱別原韻誌送

李維壻

羨君喜色上眉峯揜曳行旌思萬重白水江頭畱愛

遠赤金峽口荷恩濃固窮學勵編蒲士除暴心非

賣菜傭從政合宜因地制玉關逼近酒泉封

齷齪干言煩不殫察情判事慎其難公餘月計盈虧

理訟少時昭忠信寬羌笛數聲頻促駕品泉一勺漫

追歡繞隄衰柳依依處攀折無心鼻作酸

賦得清風一席

得當字

龍澍霖 邑人

神力催王勃清風助馬當五更吹白舫一席抵南昌

人坐中流穩帆從半夜張濤聲隨櫓速爽氣着衣涼

怒鬣蓬懸滿長鯨浪掣狂萬重山過眼兩道水成行

勝會臨高閣新詞出錦囊大江停泊處回首色蒼蒼

陝甘
試續

香泉印月

張 珂

雲淨長天秋氣清池開一鑑照分明泉香邀引銀蟾
浴月魄疑從玉水生空色印心殊了了流光耀眼自
晶晶慚余不是參禪客着意推敲句始成

窩渠柳下小飲歸路口占三絕句

珠亮 蒙古人

羣聚柳林中襟披四面風來時天晌午歸去月升東
磨借水流轉人從仄徑行村烟山腹起野火一燈明
樹葉遮人影方知月自明流連忘返處餘興動詩情

香泉印月

珠亮

貪廉莫比此泉香桂魄常留水底芳應是姮娥思顧
影一輪化作兩輪光

張果老洞

珠 亮

張君到處留遺跡果否仙翁駐倒騎老者相傳少者
說洞中曾見有殘棊

香泉印月

德 俊

散步香泉當月夜清光俯仰兩相逢幾時學得分身
灑慣向空潭戲老龍

本部书完

本片卷含： 首一卷、卷 1-卷 12